

სისხლის სიყვარული იწყება უნით...

გაზაფხულდა. მზემ გაიღმა, ათას გრძელ სხივად გაიშალა მისი ღიმილი. ნაზამთრალ მინდვრებს თოვლის საბანი გადახადა, აყვავილებულ ენძელებსა და ყოჩივარდებს მიეაღერა. პანია ნიაც სითბომ გარეთ გამოიტყუა. დედასთან ერთად ენძელების საკრეფად ველზე გავიდნენ. ესაიპოვნა ნიას სითბო და თავისუფლება. კრეფდა ყვავილებს და დედასთან მიჰქონდა, პანანინა, ვარდისფერ მკლავებს ხვევდა და ეფერებოდა.

-ალარ წავიდეთ სახლში, დედიკო, აქ მეტი თავისუფლებაა, თან მამაც არ ყვირის და გვეჩხუბება-ეხვეწება ნია დედას.

-უკვე აცივდა, სახლში დროზე თუ არ წავალთ, ავად გახდები-ცილობს მის გადარწმუნებას დედა.

ნიას თვლებში სევდა უდგება. გუნება უფუჭდება და ხმის ამოუღებლად, მორჩილად მიჰყვება დედას სახლისაკენ. დროდადრო ახედავს მას და ნატრობს, წელა გავიდეს დრო და დაგრძელდეს სახლამდე მისასვლელი გზა.

საქართველოში ნიასნაირი ბავშვები მრავლად არიან. ძალადობის მსხვერპლი დედები და მათი შვილები. მიუხედავად იმისა, რომ კანონი ჩვენს ქვეყანაში მკაცრდება მოძალადეების მიმართ, ოჯახის სიმტკიცის ტრადიციული მიდგომა კვლავ ბორკილად ქცევია ბევრ ქართველ ქალს.

პარადოქსია, მაგრამ ფაქტია.

საქართველოში ქალის კულტია გამეფებული. ქართულ ტრადიციულ სუფრაზე თამადა გამორჩეულად სვამს ქალის სადღეგრძელოს, როგორც დედასა და ოჯახის ბურჯისას. ამის ფონზე სტატისტიკა საშინელ და გამაოგნებელ რეალობას გვამცნობს: საქართველოს პროკურატურის ინფორმაციით, 2014-2022 წლებში საქართველოში 186 ქალი მოკლეს. უწყება ამბობს, რომ „ოჯახური ნიშნით“ ჩადენილია 92, ხოლო „სხვა მოტივით“ - 94 ქალის მკვლელობა.

უწყებაში აცხადებენ, რომ ოჯახურ დანაშაულებზე მკაცრ სისხლის სამართლის პოლიტიკას ატარებენ და ამას ადასტურებს 2014 წლიდან სისხლის-სამართლებრივი დევნის მაჩვენებლის ყოველწლიური ზრდა. მათი ინფორ-

მაციით, 2014 წელს სისხლისსამართლებრივი დევნა 550 პირის მიმართ დაიწყო, 2021 წელს - 5144 პირის მიმართ, ხოლო 2022 წლის 8 თვის მონაცემებით, სისხლისსამართლებრივი დევნა დაწყებულია 4591 პირის მიმართ.

ბოლო არ უჩანს დაობლებულ შვილებს, ძაძებით შემოსილი დედებს, გამწარებულ ახლობლებს...

პარადოქსია, მაგრამ ფაქტია, რომ მძიმე სტატისტიკის მიუხედავად, ჯერ ისევ ძლიერია ე.წ. ტრადიციული სტერეოტიპები, რომელიც ქალს ოჯახის მეორეხარისხოვან წევრად მოიაზრებს. ჩვენ ვცდილობთ, ვებრძოლოთ შედეგებს და არა მიზეზს.

„სანამ საზოგადოებაში იქნება სტერეოტიპული დამოკიდებულებები, რომ განქორწინება არ არის გამართლებული, განქორწინების შემდეგ ქალის დამოუკიდებელი პირადი ცხოვრება მუდმივად განხილვის საგანია, რომ ქალი შეიძლება დააშინტაუო მისი პირადი ცხოვრების გამო, რომ კაცს აქვს ინტიმური პარტნიორის ყოლის უფლება და ქალს არ აქვს, მანამდე აუცილებლად გვექნება გენდერული მოტივით ჩადენილი დანაშაულების მაღალი მაჩვენებელი. ამ დანაშაულების მთავარი საფუძველი გენდერული უთანასწორობაა. რომ ქალს მოეთხოვება აი ასე და ასე მოქცევა და თუ ქალი ისე არ იქცევა, როგორც მას მოეთხოვება, მაშინ მასზე ძალადობა, მისი მოკვლა გამართლებულია, მის მიმართ ემპათია ნაკლებია, სამაგიეროდ კი საზოგადოების მნიშვნელოვანი ნაწილი ბრალდებულის გამართლების გზებს ეძებს, რომ ქალმა აიძულა, ქალმა გამოიწვია, აეჭვინა“...

სახელმწიფო უკომპრომისოდ უნდა ებრძოლოს მავნე ტრადიციებს, რადგან ზოგჯერ ადამიანის უფლებების ასეთ ნარმოუდგენელ დარღვევებსაც კი ამართლებენ სოციალური და რელიგიური ნორმებითა თუ ტრადიციებით. ამიტომ ყოველთვის კარგად უნდა დავფიქრდეთ, როცა მათ კანონის საპირსონედ განვიხილავთ. როგორც ვხედავთ, ტრადიციები, სოციალური და რელიგიური ნორმები გოგონებსა და ქალებს არსად იცავს, მაგრამ კარგ სახელმწიფოში კანონს ნამდვილად შეუძლია მათი დაცვა.

ამ რვა წლის განმავლობაში, არაერთი საკანონმდებლო ცვლილება მოხდა:



2017 წელს საქართველო „ქალთა მიმართ ძალადობისა და ოჯახში ძალადობის წინააღმდეგ ბრძოლისა და პრევენციის შესახებ“ ევროპის საბჭოს კონვენციას (სტამბულის კონვენცია) შეუერთდა, გამკაცრდა სისხლის კანონმდებლობა - ფემიციდი 16-დან 20 წლამდე, ან უვადო პატიმრობით ისჯება. 2014 წლიდან მოყოლებული, 25-ზე მეტ საკანონმდებლო აქტში შევიდა ცვლილება. მათ შორის, სისხლის სამართლის კოდექსში, საპროცესო კოდექსში, ფემიციდის შემთხვევაში დამნაშავესთან არ ხდება საპროცესო შეთანხმების გაფორმება და მაინც ფემიციდისა და ფემიციდის მცდელობების უცვლელი სტატისტიკა აჩვენებს, რომ პრობლემა ვერ გადაიჭრა.

ბოლო წლებში ფემიციდის შედეგად დაობლებული ბავშვების სტატისტიკაც შემადრწმუნებელია. 2022 წელს ფემიციდის შედეგად დაობლდა 21 ბავშვი, მათ შორის ყველაზე პატარა 1 წლის.

სადაა პრობლემის სათავე?

ფსიქოლოგები ამბობენ, რომ ერთ-ერთი მიზეზი ოჯახებში გაბატონებული „ბიჭის, როგორც გვარის გამგრძელებლის“, კულტია“.

ბევრ ოჯახში ხომ ბიჭებს შთააგონებენ, რომ სწორედ ისინი არიან ოჯახის უფროსები, მარჩენალები, ღირსების დამცველები და გვარის გამგრძელებლები, გოგონებს კი, უბრალოდ, „კარგ პატრონს“ აბარებენ. ყველამ ვიცით, რომ ოჯახური სისტემის ცენტრში ბიჭია, სწორედ ის არის „მზე“.

პოპულარული სატელევიზიო სერიალის „გრეის ანატომიის“ შემქმნელი შონდა რაიმსი რამდენიმე წლის წინ გამოსულ წიგნში „Year of Yes“ იხსენებს ეპიზოდს, სადაც სერიალის ერთ-ერთი ყველაზე ძლიერი პერსონაჟი ქალი, ქრისტინ იანგი თავის მეგობარს, ასევე ძლიერ ქალს, მერედით გრეის მის ქმარზე ეუბნება: „არ მისცე საშუალება, შთანთქას ის, რაც შენ გჭირდება. ის მეოცნებება, მაგრამ მზე არ არის. მზე შენ ხარ.“ შონდა რაიმსი წერს, რომ ქრისტინ იანგის ეს რჩევა მხოლოდ ამერიკელი ქალებისთვის კი არ იყო განკუთვნილი, არამედ მასაც ეკუთვნოდა. ფიქრობ, ამ რჩევის მიცემა ქართველ გოგონებსა და ქალებსაც სასიცოცხლოდ ესაჭიროებათ. და თუკი გვჯერა, რომ ქალთა მიმართ ძალადობას, მათ შორის ბავშვთა ქორწინე-

ბას, უთანასწორობა და სტერეოტიპები კვებავს, და თუ გვინდა, რომ მხოლოდ სახელმწიფოს იმედად არ ვიყოთ და ჩვენი წვლილიც შევიტანოთ გოგონების გაძლიერებაში, ჩვენ გარშემო რაც შეიძლება მეტ გოგოს უნდა ვუთხარათ: „შენი თავის პატრონი შენ ხარ, ქორწინება შენი არჩევანია, შვილის გაჩენა შენი არჩევანია, შენ ამ სამყაროს უმნიშვნელო ნაწილი კი არ ხარ, ეს სამყარო შენ გარშემო ბრუნავს: მზე შენ ხარ!“

საქართველოში ქალს ყოველთვის გამორჩეული მისია ჰქონდა. ისტორიულად სწორედ ძლიერმა ქართველმა ქალებმა შეძლეს თავისი სიტყვა ეთქვათ პოლიტიკაშიც და თავიანთი მონაწილეობით სიკვდილით ჩვენი რწმენის შენარჩუნებაშიც მნიშვნელოვანი როლი შეესრულებინათ. ამის მაგალითად მარტო თამარ მეფე და ქეთევან დედოფალიც გამოდგებიან. ისინი დღესაც მზესავით ანათებენ საქართველოს შორეული წარსულიდან და ქალის, დედის როლზე კიდევ ერთხელ დაგვაფიქრებენ.

რაც შეეხება თანამედროვე ქართულ რეალობას - აქაც ქართველმა დედებმა გადაარჩინეს შვილები, ოჯახები და 90-იანი წლების გაჭირვება უცხოეთში გადახვეწითა და ემიგრანტის მძიმე ხვედრის ფასად გადაატანინეს. ამ ფაქტორმა ეკონომიკური ზიანი კი აარიდა მათ შვილებს, მაგრამ დედის გარეშე დარჩენილებს სხვა პრობლემები ნამდვილად შეუქმნათ. თუმცა, ამაზე სხვა დროს...

გაზაფხულს ყოველთვის იმედი მოაქვს. ბავშვისთვის აუცილებელია პარმონიულ ოჯახში გაზრდა, დედისა და მამის გარემოცვაში, სადაც სითბო და სიყვარულია. „კარგი მამა იმაზე უკეთესს ვერაფერს გაუკეთებს საკუთარ შვილებს, ვიდრე მათ დედაზე ზრუნვაა“-თქვა ერთმა ბრძენმა.

იმედო მამებს, საქართველოში სულ უფრო ნაკლებ ბავშვი ინატრებს იმას, რომ ცოტათი მაინც დაგრძელდეს მანძილი სახლამდე...

მომავლად
ინგა შიოლაშვილი



გილოცავთ დედის დღეს!

დედოფლისწყაროს მუნიციპალიტეტის მერმა ნიკოლოზ ჯანიაშვილმა დედის დღე საქართველოს ტერიტორიული მთლიანობისთვის დაღუპული გიორგი აბიათარის დედას, ელისაბედ აბიათარს და სოფელ ხორნაბუჯში მცხოვრებ 7 შვილის დედას ლია სურმანიძეს მიულოცა.

„დედის დღეს ორ ღირსეულ ქალბატონს ვეწვიე და დედის დღე მივულოცე. ქალბატონ ელისაბედ აბიათარის ერთადერთი ვაჟი სამშობლოს ტერიტორიულ მთლიანობას შეენირა. ის მხოლოდ 18 წლის იყო. კიდევ ერთხელ მადლობა მას შვილის გმირად აღზრდისთვის, ასევე მადლობა ახალგაზრდა ქალბატონს ლია სურმანიძეს, რომელიც საქართველოს 7 შვილს უზრდის. სწორედ ასეთ ღირსეულ



ქალბატონებზე დგას ჩვენი სამშობლო, საბედნიეროდ, ჩვენს მუნიციპალიტეტში ისინი არც ისე ცოტა არიან. ყველა დედას ვულოცავ დედის დღეს“ - განაცხადა ნიკოლოზ ჯანიაშვილმა.



ერთიან ეროვნულ გამოცდაზე სამ საგანში ცვლილებები შედის

შეფასებისა და გამოცდების ეროვნული ცენტრის დირექტორის სოფიო გორგოძის განცხადებით, წელს, ერთიანი ეროვნული გამოცდებისთვის 3 საგნის ფორმატში მცირედი ცვლილება არის შესული და სჯობს, აბიტურიენტები ამ სიახლეებს გაეცნონ.

როგორც გორგოძემ ბრიფინგზე განაცხადა, ცვლილებები ისტორიის, უცხო ენისა და მათემატიკის გამოცდებზე შეეხება.

„წელს ფორმატის მცირედი ცვლილება არის მხოლოდ 3 საგანში, ეს გახლავთ ისტორიაში, უცხო ენასა და მათემატიკაში. ფორმატის მნიშვნელოვანი ცვლილებები არ არის, მაგრამ აბიტურიენტებისთვის ალბათ, მნიშვნელოვანია, რომ გაეცნონ. საგამოც-

და დრო არ შეცვლილა“, — განაცხადა გორგოძემ.

ამასთან, მისივე თქმით, რაჭაში, კერძოდ, ამბროლაურში წელს ახალი საგამოცდო ცენტრი გაიხსნა.

„ძალიან დიდი მოთხოვნა იყო ამასთან დაკავშირებით ადგილობრივი მოსახლეობისგან და გათვალისწინებული იქნა ეს მოთხოვნა. ამის თაობაზე 2 წლის წინ დაინერგა საუბარი, მუშაობა და წელს შეეძლია, რომ ეს გაგვეკეთებინა“, — განაცხადა გორგოძემ.

მისი განმარტებით, საგამოცდო ცენტრების რაოდენობა ყოველ წელს მცირედით იცვლება. როგორც სოფიო გორგოძემ განაცხადა, წელს 27 საგამოცდო ცენტრი გაიხსნება.

სტუდენტის სტატუსი სავალდებულო ჯარის გადავადების საფუძველი აღარ იქნება

„დღეს გვაქვს სტუდენტის სტატუსი, როგორც გადავადების საფუძველი. შემთავაზებული ცვლილებით, სტუდენტის სტატუსი არ არის გადავადების ავტომატური საფუძველი“, — აცხადებს თავდაცვის მინისტრის მოადგილე გრიგოლ გიორგაძე ახალ „თავდაცვის კოდექსზე“ საუბრისას.

საზოგადოებრივი მასშტაბის ეთერში, გიორგაძე განმარტავს, რომ სამინისტრო სტუდენტებს სხვა ნევადებულთან შედარებით, სავალდებულო სამხედრო სამსახურის მოხდის დროს განსხვავებულ პირობებს შესთავაზებს და უპირატეს მდგომარეობაში ჩააყენებს. გიორგაძის თქმით, განვეყვას ყველა სტუდენტი არ დაექვემდებარება, მათი შერჩევა შემთხვევითი შერჩევის პრინციპით, ელექტრონული პროგრამის მეშვეობით მოხდება და მათ შესაძლებლობა ექნებათ, აირჩიონ 6, 8, 11-თვიანი თუ სწავლასთან ერთად ოთხწლიანი პროგრამა.

„სტუდენტს ექნება ოთხი ოფიცია. მას შეუძლია, სურვილის შემთხვევაში აიღოს აკადემიური და გაიაროს 8, ან 11-თვიანი პროგრამა, ხოლო თუ მას უნდა, სწავლას შეუთავსოს, არის ოთხწლიანი ოფიცია. ასევე ძალიან მნიშვნელოვანია ნებაყოფლობით პროგრამა, რომელიც შემოგვაქვს; ეს არის რეზერვის ოფიცის ორწლიანი პროგრამა. სტუდენტე-

ბს ასევე შეუძლიათ, მიიღონ მონაწილეობა ამ პროგრამაში და სწავლის ხელშეწყობა არ მოხდება. ეს პროგრამაც უქმეების პერიოდზე არის აგებული. გარდა სტუდენტებისა, ამ პროგრამით სარგებლობა მათაც შეუძლიათ, ვისაც უმაღლესი განათლება აქვთ. ეს პროგრამა ასევე საინტერესოა ისეთი ადამიანებისთვის, ვისაც უმაღლესი დამთავრებული აქვს, მაგალითად, მუშაობს, და ისე, რომ სამსახურს არ მონყდეს, შეუძლია, შეუთავსოს. ვალდებულების მოხდა ამ ფორმატით არის შესაძლებელი. მაგალითად, თუ პირი კარგი პროგრამისტი ან IT სპეციალისტი, მას სპეციალისტის რეზერვში შეუძლია სამსახური. წელიწადში 45-დღიანი შეკრება ხდება და მათ ვალდებულება მოხდის ჩაეთვლებათ“, — განაცხადა გრიგოლ გიორგაძემ.

შეახსენებთ, ახალი თავდაცვის კოდექსის ამოქმედება 2025 წლიდან იგეგმება. განახლებული კანონი, სავალდებულო სამხედრო სამსახურისთვის განკუთვნილი ნევადებულები მხოლოდ თავდაცვის სამინისტროს სტრუქტურებში იმსახურებენ და არ მოუწევთ შსს-ში, სახელმწიფო უსაფრთხოების სამსახურსა თუ პენიტენციური დაწესებულებებში მუშაობა. „თავდაცვის კოდექსის“ პროექტი იურიდიულმა კომიტეტმა დღეს პირველი მომენტი განიხილა.

დედოფლისწყაროში 5 ადამიანი დააკავეს

სპეცოპერაცია დედოფლისწყაროში – შინაგან საქმეთა სამინისტროს ინფორმაციით, საგამოძიებო მოქმედებების შედეგად დედოფლისწყაროში დააკავეს ხუთი ადამიანი, მათ შორის კრიმინალური ავტორიტეტი, ცხვრების გატაცებისა და მწყემსებისთვის თავისუფლების აღკვეთის ბრალდებით. დანაშაული 4-დან 11 წლამდე პატიმრობას ითვალისწინებს.

პრესსამსახურის ინფორმაციით, ოთხმა ადამიანმა (გ.ბ.-მ, ნ.ბ.-მ, მ.რ.-მ და ზ.ბ.-მ) ძალადობის მოქმედებით გაიტაცა ლ.მ.-ს ფერმიდან 600 ცხვარი, დაზარალებულმა კი (გ.ბ.-სთან) დავის მოსაგვარებლად კრიმინალური ავტორიტეტი (ა.ა.) ჩართო.

„გამოძიებით ასევე დადგინდა, რომ ა.ა.-მ და გ.ტ.-მ უკანონოდ აღუკვეთეს თავისუფლება მწყემსებს, რის შემდეგაც მართლსაწინააღმდეგოდ დაუფლვნენ გ.ბ.-ის კუთვნილ 1068 ცხვარს“, — წერია განცხადებაში.

გამოძიება საქართველოს სისხლის სამართლის კოდექსის 178-ე, 236-ე და 143-ე მუხლებით მიმდინარეობს.

1976 წელს დაბადებულ გ.ბ.-ს, 1976 წელს დაბადებულ მ.რ.-ს და 1972 წელს დაბადებულ ზ.ბ.-ს ბრალად ედებათ წინასწარი შეთანხმებით ჯგუფის მიერ ჩადენილი დიდი ოდენობით ძარცვა;

1985 წელს დაბადებული ა.ა. დაკავებულია წინასწარი შეთანხმებით ჯგუფის მიერ ჩადენილი დიდი ოდენობით ძარცვის და წინასწარი შეთანხმებით ჯგუფის მიერ ორი ან მეტი პირის მიმართ ჩადენილი თავისუფლების უკანონო აღკვეთის ბრალდებით;

1985 წელს ლ. მ.-ს ბრალად ედება წინასწარი შეთანხმებით ჯგუფის მიერ ჩადენილი დიდი ოდენობით ძარცვა და წინასწარი შეთანხმებით ჯგუფის მიერ ორი ან მეტი პირის მიმართ ჩადენილი თავისუფლების უკანონო აღკვეთა.

აქვე აღნიშნულია, რომ პოლიციამ ამოიღო „აკ-74-ის“ სისტემის ავტომატური ცეცხლსასროლი იარაღი, მჭიდი და ვაზნები - პოლიცია ვარაუდობს, რომ ეს ეკუთვნოდა კრიმინალურ ავტორიტეტსა (ა.ა.-ს) და მასთან ერთად ამ საქმეში ჩართულ კიდევ ერთ (გ.ტ.-ს) ბრალდებულს.

დედოფლისწყაროში სოფლის მხარდაჭერის პროგრამით 2023 წელს განსახორციელებელი პროექტები:

არბოშიპი 1) ე.წ. „კოტანთ უბანში“ არსებული ბავშვთა გასართობ ატრაქციონებთან საყრდენი კედლის მოწყობა.

2) ე.წ. „გზირიანის უბანში“ წყაროს რეაბილიტაცია და მიმდებარე ტერიტორიის კეთილმოწყობა.

მირზაბანი 1) სოფლის გარე განათების ქსელის ნათურების შეცვლა ლედ სანათებით. 2) საბავშვო ბაღის მესრის ნაწილობრივი მოწყობა-რეაბილიტაცია.

ზამო მარხაბანი - 1) საბავშვო ბაღის შენობაში საცეკვაო დარბაზის მოწყობა.

ძვემო ძედი - 1) ადმინისტრაციული შენობის მიმდებარე არსებული იგორ ცაბაურაშვილის სახელობის სკვერის კედლის რეაბილიტაცია. 2) სოფლის შესასვლელში არსებული სკვერის კეთილმოწყობა.

არხილოსკალო 1) საბავშვო ბაღის ეზოს კეთილმოწყობა-შესასვლელის გადახურვა და ეზოში ბავშვთა გასართობი ატრაქციონების დამატება.

ზამო ძედი 1) ე.წ. „მთიულეების სასაფლაოს“ შემოღობვა. 2) ე.წ. „ქსენდების“ უბანში არსებული სტადიონის ნაწილობრივი შემოღობვა/რეაბილიტაცია.

თამაშარო 1) სოფელში არსებული სასაფლაოს კეთილმოწყობა-ფანჯატურისა და საპირფარეოს მოწყობა.

ბამარჯვება 1) სოფელში სასაფლაოს ტერიტორიის გაფართოება/

შემოღობვა. 2) სოფელში არსებულ ჭაბურღილებთან წყალსადენისა და რეზერვუარის მოწყობა.

ოზანანი 1) სოფელში ე.წ. „აბანოს უბანში“, „სახერხის უბანში“ და „გუდაანთ უბანში“ საუბნო გზების მოხრეშვა-დაგრეიდერება.

საბათლო 1) ცენტრალურ უბანზე გარე განათების ქსელის ნათურების შეცვლა ლედ სანათებით.

ფიროსმანი 1) სოფლის მიმდებარე არსებული არტეზიული ჭიდან გამომავალი წყალსადენის რეაბილიტაცია 2) შინდისის გმირთა მემორიალის პარკში ტრენაჟორებისა და ბავშვთა გასართობი ატრაქციონების მოწყობა-რეაბილიტაცია.

სამთაწყარო 1) საბავშვო ბაღის ეზოს კეთილმოწყობა. 2) ყოფილი საბავშვო ბაღის შენობის ეზოში ბეტონის საფარის მოწყობა.

სამრეკლო 1) სოფლის ცენტრში არსებული მინი სტადიონის მიმდებარე ტერიტორიის კეთილმოწყობა 2) საჯარო სკოლის ეზოს დარჩენილი მონაკვეთის შემოღობვა.

სორნაბუჯი 1) ეკა ბუყანიშვილის ქუჩაზე ბავშვთა გასართობი ატრაქციონების მოწყობა.

ჭოქიძი 1) სოფლის ცენტრში სატრენაჟორო ფარდულის და ტრენაჟორების მოწყობა.

საქართველის იჯარით ალბის მსურველთა განაცხადების მიღება იწყება

მერვე ეტაპად გამოქვეყნებული საძირკვრების იჯარით ალბის მსურველთა განაცხადების მიღება 22 თებერვალს დაიწყო და 31 მარტის ჩათვლით გაგრძელდება. „სახელმწიფო საკუთრებაში არსებული საძირკვრის ხელმისაწვდომობის“ სახელმწიფო პროგრამის ფარგლებში შეირჩა და გამოქვეყნდა მერვე ეტაპზე იჯარით განაცემი საძირკვის კატეგორიის სასოფლო-სამეურნეო დანიშნულების მიწის ნაკვეთების მოსაცემები.

საძირკვრების იჯარით ალბის მსურველთა განაცხადების მიღება 22 თებერვალს დაიწყო და 31 მარტის ჩათვლით გაგრძელდება. გამოქვეყნებულია კახეთის, სამცხე-ჯავახეთის, ქვემო ქართლის, იმერეთის, სამეგრელო-ზემო სვანეთის და გურიის რეგიონების 88 ერთეული საძირკვის მონაცემები. მათ შორის, დედოფლისწყარო - 13, სიღნაღი - 1, ლაგოდეხი - 5, ახალციხე - 2, ნინოწმინდა - 1, ბორჯომი - 24, დმანისი - 19, მარნეული - 6, ხობი - 4, ნალეგჯისა - 1, ვანი - 6, ჭიათურა - 2, ზესტაფონი - 1, ლანჩხუთი - 3. 2022 წლის 28 მარტიდან სააგენტომ შეარჩია და შეიდგინა გამოცემის იჯარით განაცემი საძირკვრების მონაცემები. ჯამში, ინტერესი გამოიხატა 212 კოდეზ და მასთან დაკავშირებული მონაცემები გადაიგზავნა ქონების ეროვნულ სააგენტოში. პირდაპირი წესით გადაცემას დაექვემდებარა 119 მიწის ნაკვეთი, საერთო ფართობით 12650

ჰა; ხოლო აუქციონის წესით გადაცემას - 93 მიწის ნაკვეთი, საერთო ფართობით 14495 ჰა. ქონების ეროვნულ სააგენტოში ჩატარებულია აუქციონები 86 მიწის ნაკვეთზე, საერთო ფართობით 133271 ჰა. იჯარის ხელშეკრულება გაფორმდა 47 (6318 ჰა.) მიწის ნაკვეთზე. ხელშეკრულებების გაფორმების პროცესი გრძელდება.

დეტალური ინფორმაცია განთავსებულია სსიპ მიწის მდგრადი მართვისა და მინათსარგებლობის მონიტორინგის ეროვნული სააგენტოს და საქართველოს გარემოს დაცვისა და სოფლის მეურნეობის სამინისტროს ვებგვერდებზე (www.land.gov.ge www.mepa.gov.ge), ასევე სააგენტოს ოფიციალურ ფეისბუქ გვერდზე.

„სახელმწიფო საკუთრებაში არსებული საძირკვრების ხელმისაწვდომობის“ სახელმწიფო პროგრამა საქართველოს მთავრობამ 2021 წლის 6 ოქტომბერს დაამტკიცა. პროგრამა მსხვილფენა და წვრილფენა რეკონსტრუქციის მონიტორინგის ფერმერებს საშუალებას აძლევს, სასურველი საძირკვი აუქციონის გზით მიიღონ და სამწლიანი იჯარის ხელშეკრულების ფარგლებში განკარგონ. პროგრამა, საძირკვრებზე ლეგიტიმური კერძო პასუხისმგებლობის გაჩენით, ხელს შეუწყობს მათ რაციონალურ გამოყენებას, დაიცავს დეგრადაციისგან და, ამავდროულად, მეცხოველეობის დარგის განვითარებას დაეხმარება.

ქვემო ქედდან — ბარაკ ობამაძე

ქვემო ქედელი მაკა ტონიშვილი ბარაკ ობამას ლიდერებს შორის აირჩიეს. როგორც მაკა ტონიშვილი „შირაქს“ განუცხადა, ის, ობამას ფონდის ლიდერების ევროპის პროგრამაში შერჩეულ 35 ლიდერს შორისაა. პროგრამა ამზადებს მონაწილეებს მთელს მსოფლიოში ლიდერობის განვითარებასა და სამოქალაქო ჩართულობაში, რათა დაეხმარონ თავიანთი უნარების ჩამოყალიბებასა და მათი მუშაობის მასშტაბირებას საჯარო, კერძო და არაკომერციულ სექტორებში. მაკა იქნება ერთ-ერთი 105 ლიდერიდან, რომელიც მონაწილეობს განვითარებადი ლიდერების პროგრამაში მთელი მსოფლიოდან. ევროპის ლიდერების წლებიდან კომპარტა წარმოადგენს 23 ქვეყანას რეგიონის მასშტაბით.



კონსტიტუციური სარჩელი საქართველოს უნივერსიტეტებში პოლიტიკური დებატების აკრძალვის გაუქმების თაობაზე და მისი ძალისხმევით შედეგად სასამართლომ განმარტა ნებართვა. მაკა საკუთარ თავს აღწერს, როგორც „დემოკრატიის ერთ-ერთ მენარმეს“ და მისი პირადი მისიაა იყოს მშვიდობისა და თანასწორობის ელჩი უკეთესი სამყაროსთვის.

მაკა ტონიშვილი: „როგორც „ობამას ლიდერი“ შევუერთდი მსოფლიო გლობალური ლიდერების ქსელს და წარმოვადგენ ჩვენს საქართველოს, ადგილობრივი და გლობალური ცვლილებების შესატყნად. ძალიან მინდოდა, რომ ჩვენი პატარა ქვეყნის ხმა მოესმინათ მსოფლიოში გავლენიან და ცვლილების შემომტან ლიდერებს და უზომოდ მიხარია, რომ გამოვიდა. წლების წინ ვინმეს რომ ეთქვა, ბარაკ და მიშელ ობამებისგან წერილს მიიღებ და გე-

ქნება პატივი, შეხვედ ამერიკის ერთ-ერთ ყველაზე წარმატებულ პრეზიდენტს, მისივე ლიდერის სტატუსით, ალბათ, სიზმარშიც კი ვერ დავიჯერებდი. ეს დღე დადგა! რაც მთავარია, ვაპირებ, ჩვენს ახალგაზრდებს უამრავი შესაძლებლობის კარი გაუფხვს.

შესარჩევი ეტაპები მოიცავდა აპლიკაციას, რომელიც საკმაოდ რთული იყო, რადგან მოითხოვდა დასაბუთებას, რომ ლიდერული უნარების საფუძველზე გაკეთებული მქონდა ისეთი რამ, რაც საზოგადოებრივ სიკეთეს ემსახურებოდა. შემდგომ იყო გასაუბრება ობამას ფონდის წარმომადგენლებთან. საკმაოდ ხანგრძლივი ეტაპი იყო.

ძალიან დიდი მადლობა მინდა გადავუხადო ანა დოლიძეს, რომელმაც ამ ფონდის და შესაძლებლობების შესახებ შემოტყობინა ჯერ კიდევ ჩემი საქართველოში ყოფნის დროს, „პროგრესის ცენტრის“ გუნდს, რომელმაც ლიდერული უნარების გამოვლენის საშუალება მომცა. ამ ცენტრის თანადამფუძნებელია ანა დოლიძე და ობამას ფონდში წარმადგინეს როგორც „პროგრესის ცენტრის“ აღმასრულებელი დირექტორი. ასევე მადლობა „რუსთაველი პარტნიორებს“, რომელიც დამეხმარა ამ ხნის განმავლობაში.

მადლობა მინდა გადავუხადო ჩემს მასწავლებელს, გულნარა ტვილიძეს, რომელმაც ქვემო ქედის საჯარო სკოლაში ფასდაუდებელი შრომა გასწია ჩემი ბავშვობიდან პროფესიული თუ პიროვნული თვისებების ჩამოყალიბებაში. მადლობა მინდა გადავუხადო ჩემს ახლადშექმნილ ოჯახს უდიდესი თანადგომისა და ხელშეწყობისთვის. ქვემო ქედში დაწყებული ისტორია ახლა ჩიკაგოში გრძელდება. დიდი მოგზაურობა იწყება!“ – ამბობს ტონიშვილი.

ექვსთვიანი პროგრამის ფარგლებში, თავდადებული ცვლილებების შემქმნელი ლიდერები შეიკრიბებიან პრაქტიკულად ყოველ კვირას ინტერაქტიული კლასებისთვის, რათა დაეხმარონ მათ ცვლილებების წარმართვაში ლიდერობის უნარების დახვეწით, თანატოლებთან ღრმა ურთიერთობების დამყარებით, ობამას ფონდის საზოგადოების აზროვნების ლიდერებისა და წევრების ჩათვლით. მათ ასევე ექნებათ შესაძლებლობა მონაწილეობა მიიღონ სხვადასხვა ვირტუალურ გამოცდილებასა და სპეციალურ ღონისძიებებში, მათ შორის, პირისპირ საუბრებში გამოცდილ მენტორებთან ფონდის გლობალურ ქსელში.

2020 წელს დაარსებული, **Leaders Europe** ეფუძნება ობამას მემკვიდრეობას და მათ ღრმა ერთგულებას რეგიონისადმი ფოკუსირებული საერთო ღირებულებისა და ეთიკური ლიდერობის მიმართ. პროგრამა ქმნის ლიდერთა ქსელს, რომლებიც მართავენ პოზიტიურ, ინოვაციურ ცვლილებებს თავიანთი თემებში მთელს კონტინენტზე და მთელ მსოფლიოში. 2023 წლის ევროპის ლიდერები მუშაობენ საკითხების ფართო სპექტრზე და ფოკუსირებულნი არიან სხვადასხვა სფეროებზე, მათ შორის კლიმატის კრიზისი, დემოკრატია და სამოქალაქო ჩართულობა, მრავალფეროვნება და რასობრივი ადოკატორება, ლტოლვილთა და შეზღუდული შესაძლებლობის მქონე პირთა უფლებები და სხვა.

ობამას ფონდის ლიდერების პროგრამა შექმნილია აფრიკის, აზიის წყნარი ოკეანისა და ევროპის განვითარებადი ლიდერების მთავრობების, გაძლიერებისა და დასაკავშირებლად, რათა შეცვალონ თავიანთი საზოგადოებები და მსოფლიო.

ილია მარტყოფილი

მელანო ზედელაშვილის სხვა სამეარო

მას პატრიარქმა უთხრა მადლობა კარგი შვილების აღზრდისთვის, ამიტომაც თვლის, რომ ზედელი დედა და სიცოცხლე ამაღლირდა. გაუმართლა მის შვილსაც, რადგან 18 წელი უწმინდესის გვერდით გაატარა. გაზეთ „შირაქს“ დღევანდელი სტუმარი მელანო ზედელაშვილია. ჯანმრთელობის პრობლემებმა ის აიძულა, მივიწყებული შემოქმედებითი უნარები გაეღვიძებინა და შვევა ხელსაქმეში ეპოვნა. მალე განვითარდა და დღეს ხატვის გარეშე ცხოვრება ვეღარ წარმოუდგენია...



მელანო ზედელაშვილი: „ყოველთვის ვოცნებობდი სამხატვრო აკადემიის სტუდენტობაზე – მხატვრობაზე, მაგრამ ოცნება ოცნებად დარჩა. ბავშვობიდან მიყვარდა ხატვა, თუმცა, ნაადრევად ოჯახის შექმნამ ამ ოცნებასთან დამაშორა. სულ რამდენიმე წელია, რაც შემოქმედებითი მუშაობა დაიწყო. ჯერ ქარგვით, მოგვიანებით საღებავებშიც ვცადე... ვინაიდან სერიოზული ჯანმრთელობის პრობლემა შემიქმნა,

საკუთარი სულის და სხეულის გადასარჩენად ვცდილობდი მთელი ყურადღება გადამეტანა იმაზე, რაც მდგომარეობას შემიმსუბუქებდა. ხატვა ყოველთვის ძალიან მიყვარდა, მაგრამ ისე მოხდა, რომ ბავშვობის შემდეგ შეხება აღარ მქონია ამ საქმესთან. მონყენილობამ და სევდამ დამაბრუნა ჩემი სანუკვარი ოცნების ასრულებისკენ, რათა ტილოზე გადაამეტანა ჩემი შინაგანი განწყობა და ფიქრები.

სამწუხაროდ, სამხატვრო განათლება არ მაქვს. სკოლის დამთავრების შემდეგ ჩავაბარე ნიკოლაძის სახელობის ტექნიკუმში, მაგრამ დედა იყო წინააღმდეგი და სხვადა ვერ შევქედი. თუ რამეს მივალნიე, ყველაფერი პრაქტიკული და დაუღალავი შრომის შედეგია.

– რისი გამოხატვა გინდათ, რას ამბობენ თქვენი ნამუშევრები?

– ნათქვამია: „კოკასა შიგან რაცა დგას, იგივე წარმოდინდება“ - ჩემი ნაქარგები და ნახატები შინაგანი განწყობის, ხასიათის და ფიქრების აფიშირებაა. ვცდილობ სიმშვიდე მოვიპოვო. ყველა ნამუშევარი ინდივიდუალურია და იმ პერიოდის ემოციურ ფონს გამოხატავს, როცა შეიქმნა. ისე არ ეწყობა ჩვენი ცხოვრება, რომორც ამას საკუთარ ოცნებებში ვხატავთ და ვპატივსაცემთ. ბავშვობაში ჩაფიქრებული ლამაზად ავამბული კომპიუტერული ცხოვრების რთულ გზაზე გასაბარი გუშტივით სძვება და რჩება იმედგაცრუება. როცა გვერდით საყრდენი „კედელი“ გიმტყუნებს, გამოგეტლება და მარტოს გინევის რთული ლაბირინთების გადალახვა, გულისტკივილი უდიდეს კვალს ტოვებს სულში, რაც აშკარად ისახება ჩემს შემოქმედებაშიც. შვილებს ხშირად უსაყვამღურიანი, შინს ნახატ-ნაქარგებს ღრუბა-ლი ვერ მოაშორებ... მიუსხლავად უამრავი ცდისა და მოწოდებების, მინც ჩნდება ჩემს ნამუშევრებში ღრუბლები, მარტოხელა იღვრება ძაღვები, გამხმარი ხეები. წლების წინ ვერც წარმოვიდგენდი ქარგვა და ხატვა თუ მიხსნიდა უიმედობისგან, იმედგაცრუებისგან, საშინელი სტრესისგან და დამაბრუნებდა მშვენიერ სამყაროში, სადაც სიცოცხლე და სიყვარული ზეიმობს. მადლობა მინდა გადავუხადო ყველა

იმ ადამიანს, ვინც გვერდით დამიდგა და მაზიარა ამ საოცრებას, რასაც ხელოვნება ჰქვია! ლალი უზუნაშვილს, ხატმწერ გიორგი მემინაშვილს, მხატვარ გიორგი ალადაშვილს, თექაზე მომუშავე დოდო გოდერძიშვილს და სხვებს. წლების მიხედვით თუ დალაგდება ჩემი ნამუშევრები, როგორც ამბობენ - „გვირავის ხელოს“ - ნელა-ნელა ჩემთანაც შეინიშნება სინათლე!

– შემოქმედებითი მუშაობის დროს განწყობა გჭირდებათ, თუ ნებისმიერ დროს შეგიძლიათ ხატოთ?

– პროფესიონალი რომ ვიყო, შეიძლება განწყობას არ ჰქონოდა ასეთი დიდი მნიშვნელობა, მაგრამ ჩემს შემთხვევაში, როგორც არაპროფესიონალს, მოყვარულის დონეზე - ხატვის დროს ჩემთვის მნიშვნელოვანია ხასიათიც და განწყობაც. რაც თავი მასხოვს ხელოვნების მიმართ სულ მქონდა დიდი ინტერესი და სიყვარული. ალბათ ჩემს ამ უნარებში ცოტა გენეტიკური ფაქტორიც არის. მყავს ახლო ნათესავები, რომლებიც საუკეთესოდ ხატავენ. ხელოვნება ხომ სულის საზრდაა. მადლობას ვწირავ უფალს, რომ დამაჯილდოვა ამ პატარა ნიჭით.

– როგორ ფიქრობთ, რომ არ გქონოდათ გარკვეული პრობლემები, მაინც შექმნილი ამდენ ნამუშევარს ასეთი ხარისხით?

– ალბათ ვერა... მარტივი ჭეშმარიტებაა - ტკივილი და პრობლემაში უფრო გვაძლიერებს ადამიანებს და ბაღარჩენის გზებს ვხატავთ. მეც ჩამბაშური გზა მომცა-ბნი, რამაც უდიდესი ბედნიერება და სიმშვიდე მომიტანა.

– თუ გაქვთ საყვარელი ფერები, თემა?

– იმის გამო, რომ ცოტა ცვალებადი ხასიათი მაქვს, ალბათ ამიტომაც ბევრჯერ სანყისი თემიდან სულ სხვა მიმართულებით წამიყვანია ნამუშევარი. სტილიც და ტექნიკაც სულ სხვადასხვანაირია. ფერებიც ძირითადად ხასიათს ემყარება ხოლმე. ისე კი, თბილ ფერებს ვანიჭებ უპირატესობას.

– როგორც ჩანს უფრო პეინტების ხატვა გიტაცებთ?

– უზომოდ მიყვარს ბუნება, თუმცა ძალიან ბევრი სხვადასხვა თემის სახსიათო ნაქარგებიც მაქვს.

– გამოფენები სად გქონდათ?

– ორჯერ დედოფლისწყაროში მქონ-

და პერსონალური გამოფენა და მიხარია, რომ მშობლიური რაიონის წინაშე გამოვიტანე ჩემი ნამუშევრები. ინტერესი წამოვიდა დედოფლისწყაროდან, ძალიან გვერდში დამიდგნენ და ლამაზი დღე იყო. მინდა მადლობა ვუთხრა ქალბატონ თამარ თამაზაშვილს, სწორედ მისი ინიციატივითა და დახმარებით ჩატარდა დედოფლისწყაროს ხელოვნების სკოლაში ჩემი ნამუშევრების წარდგენა. ასევე, გამოფენა მქონდა თბილისის სამების საკათედრო ტაძარში და მწერალთა კავშირში ბატონ ვაჟა აზარაშვილის შემოქმედებით საღამოზე.

– თუ გაგიყვიათ ნამუშევარი?

– სამწუხაროდ კი... იმისთვის, რომ შექმნა შემდეგი ნამუშევარი და ხორცი შესახა ჩანაფიქრს, საჭიროა მასალები, რაც სამწუხაროდ სერიოზულ ხარჯებთანაა დაკავშირებული... ზოგჯერ იძულებული ვარ გავყვილო...

– შვილები...

– მყავს ორი შვილი, ზურა და უჩა ალადაშვილები, ქვეყნისთვის და ოჯახისთვის კარგი ბიჭები, საინტერესო და წარმატებული პირადი ცხოვრებით. უმცროსი, უჩა პატრიარქის სტიქაროსანი იყო 18 წლის განმავლობაში, ასევე მუშაობდა პატრიარქის დაცვის სამსახურში, სამმართველოს უფროსის მოადგილედ. ხშირად ჩანდა პატრიარქის გვერდით. ამჟამად თავდაპირველ სამინისტროს სამხედრო პოლიციაში მუშაობს, ადმინისტრაციულ მთავარ სამმართველოში! სამწუხაროდ, აღარ არის პატრიარქთან. ჩემი შეხვედრები უწმინდესთან ხშირად იყო, როგორც სამების ტაძარში წირვა-ლოცვაზე, ისე საპატრიარქოში. მაგრამ მაქვს ერთი გამორჩეული დღე. ჩემთვის დაუფიქრებია 2009 წელის აპრილის თვე, როცა პატრიარქმა საპატრიარქოში დამიბარა. ეს იყო ჩემს ცხოვრებაში ყველაზე ბედნიერი და დაუფიქრებელი საღამო. პატრიარქმა დამლოცა და მითხრა: „ყოჩაღ!!! ძალიან კარგი ბიჭების აღზრდისთვის!!! – უჩას სახლში რომ არ ვუშვებ, ხომ არ მიბრუნდები?“ (იცინოდა) მე კი იხსარულისგან ვტიროდი და ვფიქრობდი: „მგონი ამაღლირდა სიცოცხლე, მადლობა უფალს ამ ყველაფრისთვის!“

/გაგრძელება გვ.8/

„სეკვის სიყვარულმა მოგვანი ახოვნისა აგვარებინა“...

ამბობენ: ყოველ ერს თავისი ნიშა აქვსო. ალბათ, ეს მართალიცაა. ქართული ერის გენია სწორედ ცეკვაშია განფენილი. ქართულ ცეკვას შეიძლება რიტმული პოემა ეწოდოს, რომელიც მაყურებელს პლასტიკური სილამაზის ცოცხალ სურათს წარმოუდგენს, ფორმისა და მოძრაობის მთელი სრულყოფილებით. ეს ხელოვნება პოეზიით არის გამსჭვალული, მდიდარია სახეებით, რომლებსაც მუსიკის მსგავსად ილუზიისა და ოცნების სამყაროში გადაყვართ. თვით სიტყვა „ცეკვა“ ხომ ჩვენს ცნობიერებაში რაღაც გრაციოზულის, ნაზის და ჰაეროვანის წარმოდგენას იწვევს.



ანსამბლი „გიორგელები“ ამ პოემის წარმოდგენის დიდოსტატად წლებია უკვე, რაც ყალიბდება. ანსამბლი იზრდება, ვითარდება, სწავლობს, იწვინდება. მასთან ერთად იზრდება ის თაობაც, რომელიც ფიზიკურ სიჯანსაღესთან ერთად, სულიერ სიმრთელესაც აქცევს ყურადღებას. „გიორგელებს“ სწორედ ამ თაობიდან ახალგაზრდა ქორეოგრაფები ჰყავს, **ზუზა ქავთარაძე** და **ბჰანცა ხარაშვილი**, რომლებსაც ცეკვა უმაღლეს ნერტივამდე ჰყავთ აყვანილი და დღეს დღობით, სხვებისთვისაც მოტივაციისა და ენერჯის წყაროს წარმოადგენენ. გაზეთმა რედაქციაში უმასპინძლა ამ შესანიშნავ ახალგაზრდებს და მათთან ინტერვიუ ჩაწერა - ცეკვაზე, მის სიყვარულზე, ბავშვებთან ურთიერთობასა თუ სამომავლო გეგმებზე.

- როგორ და რა ასაკში მოხდა ცეკვით თქვენი დაინტერესება?

ზუზა: ბავშვობიდან მინდოდა, რომ ხელოვანი ადამიანი ვყოფილიყავი. პირველი კლასიდან ვცეკვავ, მაგრამ უშუალოდ ქორეოგრაფიით მეათე კლასიდან დაინტერესდი. განვილი გზას თუ რიცხვებში გამოვსახავ, მე-12 წელია, რაც ვცეკვავ. ჩემი პირველი ნაბიჯებიც და ამჟამინდელი მოღვაწეობაც ამ ანსამბლს უკავშირდება. ცეკვა ქართულმა ტრადიციებმა შემაყვარა. მიყვარს ჩვენი, ეროვნული ქართული ტრადიციები. ცეკვა სწორედ ამ ტრადიციებისა და ისტორიის გადმოცემაში მესმარება. საზღვარგარეთაც მინახავს, როგორ ტარდება ცეკვის გაკვეთილები და როგორ ხდება სხვადასხვა მიმდინარეობების განვითარება, მაგრამ ქართულ ცეკვას ცოტა სხვანაირი შეხედულებები, ქცევები, ნორმები აქვს. ვფიქრობ, ჩვენს ანსამბლებში უფრო ოჯახური გარემოა. სწორედ ასეთ ოჯახურ სიტბოს და სიყვარულს რომ ვგრძნობდი, მარტო ამიტომაც შეიძლება, რომ ცეკვა შემეყვარებოდა ადამიანს. პარალელურად, ვუყურებდი, როგორ შეგეძლო ცეკვით მსოფლიოს შემოვლა და ამანაც განაპირობა, ალბათ, მომავალი პროფესიისადმი სიყვარული. ადრე ვმღეროდი კიდევ, ახლა რაც ცოტა წამოვიზარდე, ნაკლებად. სიმღერაც გამომდის, მაგრამ ცეკვა უფრო ახლოსაა ჩემთან.

ბჰანცა: მეც უკვე დაახლოებით 11 წელია, რაც ვცეკვავ. უშუალოდ ქორეოგრაფია მე-11 კლასიდან დავიწყე. ფაქტობრივად, ერთად გადავწყვიტეთ ამ საქმეში შემოსვლა. ქორეოგრაფიამ

უფრო მეტად დამაინტერესა. ძალიან დიდი ხალისი, სიყვარული და მეგობრობაა ჩვენი ანსამბლი. გარდა ამისა, ბავშვებთან ურთიერთობაც მიყვარს. მე უკვე, დაახლოებით, ერთი წელია, რაც ხვინა მასწავლებელს ვეხმარები, ზუკამ ახლახანს დაიწყო და ასე, 7 თვეა, ერთად ვავარჯიშებთ ბავშვებს. უნდა ითქვას, რომ წვერობასთან ერთად, პედაგოგიც გავხდით.

- ბავშვებთან ურთიერთობისას პრობლემებს ხომ არ აწყდებით?

ზუზა: ბავშვებთან ურთიერთობა ძალიან მოგვწონს. მათთან ურთიერთობა ყველა ცუდს და პრობლემატურ საკითხს გავიწყებს. თითქოს ამ დროს შვებას გრძნობ. რა თქმა უნდა, პრობლემებიც არის, შეიძლება ხანდახან სიბრაზე შემოგვპაროს, მაგრამ მერე ვფიქრობთ, რატომ უნდა გაბრაზდე ამ პატარა ანგელოზებზე, ხომ სჯობია, რომ თბილად და ტკბილად დაელაპარაკო. ამიტომ, ასე თბილად და ტკბილად ვასწავლით ჩვენც. ბავშვებს ყოველთვის ერთ რამეს ვუმოთხვობთ: ანსამბლის გარეთ ყველაფერში მოგვეყვებით- თქვენი მეგობარიც ვიქნებით, გავერთობი კიდევ თქვენთან ერთად, ვისუმრებ, თქვენსეულ გავხდები, მაგრამ როცა საქმე ანსამბლს, მუშაობას და სწავლის პროცესს ეხება, უნდა მომიყვინებოლომდე, დამიჯერონ, მათ ჩემი, მე კი მათი რჩევები გავითვალისწინოთ.

- პრობლემები ახსენეთ. ამ პრობლემების პარალელურად, რა გაძლევთ მოტივაციას ბავშვებს ცეკვის შესწავლაში დაეხმაროთ?

ზუზა: მე პირადად, კონკრეტული მიდგომა მაქვს შემუშავებული. ძირითადად, პატარა თაობას აინტერესებს „მარველის“ და სუპერგმირების თემები. სწორედ ამ სუპერგმირების შესაძლებლობს ვადარებთ ხოლმე მათ ძალებს და მოტივაციას ამითაც ვუმალდებთ. მოტივაციას, როცა ხედავ რა დიდ ენერჯიას დებ, შრომობ და შემდეგ უკვე ბავშვი ამას ასმაგად გიბრუნებს. გრძნობ, რომ ტყუილად არ ჩაგიყრია წყალში ამხელა შრომა, ტყუილად არ გიმშრომია, რაღაცას მიაღწიე. პარალელურად, როცა ხალხი უყურებს შენს ნამუშევარს და აფასებს, შენც ამაყი ხარ.

- ჩვენ მხოლოდ მოძრაობებს ვხედავთ სცენაზე, როგორც მაყურებელი, მაგრამ ყველამ ვიცით, რომ კონკრეტული ცეკვა გარკვეული შინაარსის მატარებელია. თითოეული მათგანი რაღაცას გადმოსცემს. როგორ ხდება ამ შინაარსის ბავშვებამდე მიტანა, როგორ ცდილობთ, რომ ეს შინაარსი ბავშვებმა გაიანზრონ?

ზუზა: თითოეული ცეკვის დამუშავებისას ვუხსნით ბავშვებს, როგორი ხალხიათ სჭირდებათ კონკრეტულ ცეკვას, რომელ მოძრაობებს უნდა მიაქციონ ყურადღება. მაგ. ქართულში გოგონების ხელის მოძრაობებს ვაკავშირებთ სიოსთან, ვარდის ფურცელთან თუ ა.შ. ამას იმისთვის ვაკეთებთ, რომ ბავშვი მარტივად მიხვდეს ცეკვის შინაარსს. ბავშვურად და ბუნებასთან ახლოს ყოფნით ვუხსნით. დიდ ბავშვებს იმდენად აღარ სჭირდებათ ამის დეტალური ახსნა.

ბჰანცა: ბავშვობიდან იციან კონკრეტული ცეკვის შინაარსი. იციან იდეა, თუ რაზეა დაფუძნებული ესა თუ ის ცეკვა, მოძრაობა. მაგალითად, ცეკვა „ქართული“ ქალის ცეკვა ნარნარია, იქმნება შთაბეჭდილება, რომ ის გედვიტ ცურავს. ეტაპობრივად, ასაკის მატებასთან ერთად იცვლება მიდგომებიც. ხშირია საუბრები ცეკვის ისტორიაზე, მის ძირითად მახასიათებლებზე...

- სამომავლოდ საკუთარი სტუდიის დაარსებასაც ხომ არ გგმავთ?

ზუზა: გვაქვს იდეაში სტუდიის გაკეთება. სკოლის დამთავრების შემდეგ გვინდა, რომ ამ საქმეს გავყვეთ და ქორეოგრაფიაში დავრჩეთ. მე პირადად ამ ბუმბერაზ ხალხს რომ ვუყურებდი და ვუყურებ, ყოველთვის მქონდა და მაქვს სურვილი, რომ სცენაზე დავებრდე და ბოლომდე სცენაზე ვიდგე. სახელმწიფო ანსამბლში ცეკვა მე პირადად არ მინდა. ცეკვა არ მინდა. ერთი რამ მინდა აღვნიშნო: საერთოდ, მოცეკვავე და ქორეოგრა-

ფი ძალიან განსხვავდება ერთმანეთისგან. ქორეოგრაფიაში რომ შემოვბიჯე, არ მეგონა, რომ ასეთი განსხვავებული სფერო აღმოჩნდებოდა. ბევრმა რაღაცამ გამოაცა. არასოდეს წარმომედგინა, რომ ქორეოგრაფიაში დამჭირდებოდა ხმის ვარჯიში. როგორც მომღერლები ადიან სხვადასხვა ნოტებზე, ისე გვინევს ბოლო ხმამდე ვარჯიში, თვლების ვარჯიშის დროს სწორი ტემპისა და ტონალობის შერჩევა. ბავშვებთან წარმოსახვითაც კი გვივარჯიშობა. ამას ვერასდროს წარმოვიდგენდი.

ბჰანცა: ქორეოგრაფობა იმდენად საინტერესოა, რომ პროფესიად ავირჩიე. ბავშვების გარეშე ხშირად გავცივდები რამდენიმე რეპეტიციამ, რომ თავიდან აგვეცილებინა შემდეგ პრაქტიკაში რამე შეცდომა. ეს იმისთვის, რომ შემდგომ შენი ხმის ტემპით ბავშვი არ შეაშინო, არ დათრგუნო, რამე ზედმეტი არ წამოგცდეს, და ა.შ. ამაზე მუდმივად ვვარჯიშობთ.

ზუზა: ერთმანეთს ვუდგევართ გვერდში ყველაფერად. გვანცა გოგონების მოძრაობებს მასწავლის, მე ბიჭებისას. ასე მიყვებით ხოლმე შემდეგ რეპეტიციებს.

- რა სირთულე ახლავს ასეთ რეპეტიციებს? მიდგომები თუ გაგიცვლიათ?

ზუზა: ღა ბჰანცა: დაიხ, რა თქმა უნდა. 90% ასე ვართ: გვანცას ბიჭებთან ვამუშავებთ, მე გოგონებთან ვმუშაობ. იმიტომ, რომ უფრო შევეჩვიეთ ორივე ჯგუფთან მუშაობას თავიდან ეცინებათ, როცა ანსამბლში ვარჯიშისას გოგონებთან ერთად წრეებზე დავდივართ. ამას მოძრაობების დასახვევად ვაკეთებ. ეცინებათ, რომ ბიჭია და გოგონების მოძრაობებს აკეთებს, მაგრამ რეალურად მერე უკვირთ, რა კარგად აკეთებ ყველა მოძრაობას. ასეა, სრულყოფილებისთვის შრომაა საჭირო, როგორც ერთ სქესთან, ასევე მეორესთან. ეს სათაკილო არაა.

- რომელია თქვენი საყვარელი ცეკვა?

ბჰანცა: ძველი ყაზბეგური.

ზუზა: ხორუმი, იმიტომ, რომ ტრადიციებს უფრო მეტად ვაღივებ. თან ამ ცეკვაში უამრავი რაღაცის გაკეთება შეიძლება. ჩვენი თანამედროვე გმირები არავის უნახავს ხორუმში, მაგალითად, ანწუხელიძე გიორგი. ხორუმი, ტრადიციების გადმოცემის კუთხით ერთ-ერთი კარგი ცეკვაა. გარდა ამისა, მიყვარს ისტორიასთან, ბრძოლებთან დაკავშირებული ცეკვები. თანაც, ჩემი პირველი კონცერტი და სასცენო გამოსვლა ხორუმი იყო.

- ისტორია ახსენეთ. რამდენად ღრმად ეცნობიან ბავშვები ამ ისტორიებს, რაც თითოეულ ცეკვაში დევს? კითხვა თუ ებადებათ იმას დაკვირვებით, თუ რატომ სჭირდებათ ამა თუ იმ გმირის ისტორიის ცოდნა მოძრაობების დახვეწაში?

ზუზა: ცეკვის ილეთების სწავლების მიღმა ჩვენი მოვალეობა ეგეცაა, რადგან ჩვენ როლში შესვლასაც ვასწავლით ბავშვებს. არ აქვთ უფლება აბუჩად აიგდონ ჩვენი გმირები. ვეუბნებით, თუ როგორ ძლიერად იბრძოდნენ ჩვენი პაპები, მათი მამები და ა.შ. როგორ მოიტანეს ჩვენი მინა დღევანდლამდე. ვეუბნებით, რომ ჩვენი ცეკვით წარმოვარჩინეთ იმ გმირებს, რომლებმაც ჩვენ შეგვინარჩუნეს სამშობლო. შესაბამისად, უკვე ინტერესდებითან. კითხვებიც ებადება ამა თუ იმ ტრადიციასთან დაკავშირებით. საუბარში უამრავი კითხვა წამოსულა და ასე გადავცემთ ჩვენც ერთმანეთს ისტორიებს. ხშირად ყოფილა შემთხვევა, რომ ჩვენი რაღაც გამოგვრჩენია და ბავშვებს უთქვამთ, გვისწავლია მათგან.

ბჰანცა: ჩვენი წინაპრების სულიცეკვით ეხმარებათ ბავშვებს, ამ ისტორიებში ბოლომდე გამოგვეყენონ. როგორც ზუკამ აღნიშნა, საუბრებით, ერთმანეთის აზრთა გაცვლა-გამოცვლით მივიღვართ საერთო ინტერესამდე. მუშაობაც უფრო საინტერესოდ ამავე ილეთებზე ხდება. ბავშვებისგან ყოველთვის შეიძლება რაღაც ისეთის გაგება, რაც გაგაკვირვებს და, პარალელურად, დაგაფიქრებს კიდევ. სხვა კუთხით დაგანახებს ამა თუ იმ საკითხს, მოვლენას.



- თქვენი ანსამბლი ხშირად მართავს საქველმოქმედო კონცერტებს...

ზუზა: ეს საქმე იმიტომაც მომწონს, რომ ის სიკეთეს და ქველმოქმედებასაც ემსახურება. ჩვენთვის ეს მხოლოდ კონცერტები და სცენაზე გამოსვლა არაა. „გიორგელებმა“ ძალიან „მივაჩვიეთ“ ხალხი მსგავს კონცერტებს. უნდა აღინიშნოს, რომ ეს საქმიანობა ჩვენმა ხელმძღვანელმა შეგვაყვარა. ის მუდამ სიკეთის კეთებას გვასწავლის. ყოველთვის სიკეთის მომხრეა და სიკეთეს თესავს, სადაც კი შესაძლებლობა მიეცემა. ჩვენც, ამ ყველაფერს ვხედავთ და ვიზარებთ, რომ შეგვიძლია გაჭირვებულ, მრავალშვილიან თუ ჯანმრთელობის პრობლემების მქონე ადამიანებს დავხმარდეთ. ეს ჩვენთვის ძალიან სასიხარულოა. სულ ახლახანს მე-12 საქველმოქმედო კონცერტში ჩავეტარეთ. ბედნიერები ვართ, რომ გვაქვს იმის შესაძლებლობა, მცირედით, მაგრამ დახმარების ხელი მანც გავუწოდოთ ამ ადამიანებს.

- რას ეტყვით ახალგაზრდებს, ვისაც ჯერ ვერ გადაუდგამს ნაბიჯი და ცეკვის სამყაროში შემოსვლის ეშინია ან ერიდება საკუთარ თავში დაურწმუნებლობის გამო?

ზუზა: ვეტყვი, რომ გაბედონ, ყოველთვის იბრძოლონ და შედეგი აუცილებლად დადგება. შეიძლება აბსოლუტური სმენა არ გქონდეს ადამიანს, მაგრამ საკუთარ თავზე იმდენი იმუშავო და იშრომო, რომ პატარა ნაპერწკალიდან ცეცხლი გააჩაღო. ცდა უკვე წინ გადადგმული ნაბიჯია.

გრიგოლ რობაქიძემ საგანგებო რეცენზია („ქართული გენია როკით განფენილი“) მიუძღვნა ქართული ცეკვის ფენომენის დახასიათებას. იგი წერდა: „ასეთი ხალისი, ასეთი ლხენა - საუკუნეებში ტანჯული საქართველოს წიაღთაგან! არაა ეს საკვირველი? სადღაც უნდა მეთქვას: ყოველი წვეთი სისხლისა, საქართველოს დედულ-მამულსათვის დანთხეული, მზის სხივად ესხმოდა ქართულ მინას. ახლა ვამბობ: საქართველო დაჭრილი მზეა! „დაჭრილი მზე“ - მაგრამ მანც მზე!“ ქართველი კაცის სულია ჩაქსოვილი ქართულ ცეკვაში. მასში, როგორც ქართლის ცხოვრებაში, ისე იკითხება ჩვენი ერის მრავალსაუკუნოვანი და მრავალწინაგოვანი ისტორიის საინტერესო ფურცლები. წარმატებები ვუსურვოთ ამ ისტორიის შენარჩუნებასა და მომავალი თაობებისთვის გადაცემის საქმეში ჩვენს ახალგაზრდა ქორეოგრაფებს.

თქვენ „დაჭრილ მზეში“ კითხულობთ ეროვნულ სულს, ქართველის დამოკიდებულებას გუნებასთან, საზოგადოებასთან, სხვა ადამიანებთან, სიკვდილ-სიცოცხლესთან, მის მარჯვნივს, ღირსეულობით ორიენტაციას, ხასიათს, ტამაყარაშენს, ნიჭიერებას... მრავალ თაობათა აღზრდას ბისურვებით...

**ინგა შიოლაშვილი
ზუზუნა ყანაშვილი**

„სიმაყვარება შვილის გაჩენა, მაგრამ დედობა ნიშნავს გმირობას“

დედაშვილობა - თემა, რომელსაც ყველა სათუთად და განსაკუთრებულად გრძობითა და ემოციებით უდგება... ამ თემას პოეტები უძღვნიან ლექსებს, მუსიკოსები - მელოდიებს და მხატვრები - ცნობილ ტილოებს. სწორედ, მათ გამოხატულებებს ვთავაზობთ, რომელიც დედის, როგორც ჩვენი ცხოვრების მთავარი ადამიანის დიდ მნიშვნელობაზე კიდევ ერთხელ დაგარწმუნებთ.

ოთარ ჭილაძე წერდა: „დედა სხვა და ცოლი სხვა, დედა, შეიძლება კუზიანი იყოს და გიყვარდეს, სოფლის გიჟივით შარა-შარა დანანნალებდეს კაბანამოხდილი და მაინც გიყვარდეს, რადგან იმის გაჩენილი ხარ, ღმერთმა დაავალა იმას შენი დედობა და ამით თავიდანვე, გაჩენამდე მოგისპო არჩევანის უფლება. ამიტომ ვერავინ დაგძრახავს მახინჯი თუ გიჟი დედის გამო, რადგან იმავე ღმერთმა, შენ რომ დედის არჩევის უფლება წაგართვა, სხვებს — თავისთავად შენი განკითხვის საშუალება მოუსპო. ცოლი კი სხვაა, ცოლის კაცი ირჩევს და ამ არჩევანში გამოჩნდება ხოლმე კაცის გემოვნებაცა და ღირსებაც. მაგრამ რაც უნდა გემოვნებიანი და ღირსეული იყოს კაცი, მაინც შეიძლება შეეშალოს არჩევანი. ეს უკვე ბედის საქმეა, ბედის კი არა - უბედობის.“

„დიდა სამყარო, დიდი და ამოუცნობი, ახელ თვალებს და ნელ-ნელა ბინდი იხმინდება, ნელ-ნელა ყველაფერი, ყველა საგანი თავის სახეს იღებს, ამოუცნობი ფერი ნათდება და იკვეთება, სახე მომღიმარი, ალერსიანი, მშვენიერი, დედის სახე...“

პირველი სიტყვა, რომელიც ჩვენი ბავშვებიდან ისმის, ეს არის დედა. დედა ჩვენი სიცოცხლის წყარო, რომლის თვალბეჭდშიც ყოველთვის იკითხება ჩვენდამი დიდი სიყვარული. სიტყვა „დედა“ ისეთი წმინდა და სათუთია, ჩვენში მუდამ ნაზ გრძობებს

აღძრავს. ოდითგანვე საქართველოში ქალის, განსაკუთრებით კი დედის კულტი იყო. სოლოლაკის მთაზე მდგარი ქართლის დედაც ამას მონიშნავს. ქართულ ენაში ყველა მთავარი სიტყვის ფუძე დედაა: დედა-მინა, დედა-ბუნება, დედა-სამშობლო, დედა-ბურჯი, დედა-კაცი, დედა-ბოძი, დედა-ქალაქი, დედა-აზრი, დედა-ენა, დედა-ისტორია....

დედა რომ არა არ ვიქნებოდით არც ჩვენ. განა კი არსებობს რამე უფრო წმინდა და სათუთი? მას ხომ ისეთები ვუყვარვართ როგორებიც ვართ, გვპატიობს შეცდომებს, გვაძლევს რჩევა დარიგებებს, გვასწავლის სწორად როგორ ვიცხოვროთ“....

გენიალური ციტატები დედაზე:

1. „სანამ დედა ცოცხალია, მანამდე გულადად ხარ, სიკვდილისა არ გეშინია, სიცოცხლით ლაღობ, რადგან დედა ჩამდგარი შენსა და სიკვდილის შორის“... - გოდერძი ჩოხელი;
2. „ლოცულობს დედა და ლოცვის სიტბო ცხრა მთის გადაღმა შვილის გზაზე იებად ამოდის...“ - ვაჟა ხორნაული;
3. „რისი უნდა ეშინოდეს ადამიანს, როცა დედა გვერდითა ყავს და თანაც გათოშილ ფეხებზე თბილ წინდებს აცმევს.“ - გოდერძი ჩოხელი;
4. „დედა მარტო დედა არაა! ყველაფერი რაც ამ ქვეყანასთან გვაკავშირებს, რასაც სიცოცხლე ჰქვია, რასაც სული უდგას და მზე უცქერის“. — ოტია იოსელიანი;
5. „ყოველთვის ვიცოდი, რომ თუ მთელი სამყარო ზურგს შემეპყრებო, დედა მაინც, მუდამ ჩემს გვერდით იქნებოდა!“ - ოტია იოსელიანი;
6. „თუ დედა არ გენატრება და არც არაფრის გეშინია, სიცოცხლეს ფასი არ ჰქონია შენთვის. დედის მონატრება ადამიანობა“-ოთარ ჭილაძე;

7. „მინდა ყველას ვითხრათ, რომ ყველა დედა ამქვეყნიური ანგელოზია და ვისაც ცოცხალი გყავთ, ღმერთმა ყველას დიდხანს გიცოცხლოთ; ვისაც არა, ღვთის საუფლოში გაგინათლოთ“. - გოდერძი ჩოხელი;

8. „გნამდეს, დედის ლოცვას საიდუმლო ძალა აქვს“. - ლეო ქიაჩელი;
9. „დედის ჩანვთებულ ცრემლზე ია ამოდისო“ - გიორგი ლეონიძე;
10. „ერთადერთი სიყვარული, რომლის არსებობისაც მჯერა, ესაა დედის სიყვარული შვილისადმი“ - კარლ ლაგერფილდი;
11. „მაინც როგორ ათბობს გულს ბავშვი!... რა სრულფასოვანია დედის ცხოვრება!“ - დევიდ ლოურენსი;
12. „მაშინ არ იცოდი ასე რა გიზიდავდა დედის ხმასა და გამოხედვაში - თურმე ღმერთის სიტბო ყოფილა“. - ვაჟა ხორნაული;
13. „დედის სიყვარულზე წმინდა და უანგარო ამქვეყნად არაფერია“ - ბესარიონ ბელინსკი;
14. „დედის ხელები სინაზისა და სათნოების განსახიერება!“ - ვიქტორ ჰიუგო;
15. „ვნატრობდი უბრალო ხალათს, დედის ძვირფასი ხელით შეკერილს“ - ლადო ასათიანი;
16. „ლოცვის დროს დედის სულს მირონი სდის“. - ნიკო ლორთქიფანიძე;
17. „სიმაყვარება შვილის გაჩენა, მაგრამ დედობა ნიშნავს გმირობას.“ - შოთა ნიშნაიძე;
18. „დედობა დიდი ცოდნაა, უფრო ზუსტად, სიბრძნეა, ოღონდ, დედობაში მარტო ბავშვის გაჩენა არ იგულისხმება. ბავშვის გაჩენის უნარი და დედობის უნარი სხვადასხვა ცნებებია.“ - ოთარ ჭილაძე;
19. „შვილი დაინახა და ნელში გაიშალა, როგორც ყვავილი წვიმიდან გამოსული“. - ვაჟა ხორნაული;
20. „შვილს რომ მკლავზე გადაინვენს, დედა ჯვარს ემსგავსება



- სწორედ ეს ჯვარი გადაარჩენს სამყაროს“. - ვაჟა ხორნაული;


21. „ჩვილმა დაიძინა და ახლა თვალებით ღლინებს იავნანას დედა“ — ვაჟა ხორნაული;
22. „მაშინ არ იცოდი ასე რა გიზიდავდა დედის ხმასა და გამოხედვაში - თურმე ღმერთის სიტბო ყოფილა“. - ვაჟა ხორნაული
23. „სინათლეზე თბილი და მსუბუქია დედის ხელები, რომლებიც ჩაძინებულ შვილს ეფერებიან“... - ვაჟა ხორნაული;
24. „ძილის წინ იტყოდა დედა: „ღმერთო უშველე ჩემ შვილებსა“. მაშინაც ესა თქვა სამარეში როცა ჩაასვენეს“. - ვაჟა ხორნაული;

ვახუშტი „შირაქის“ რედაქცია გილოცავთ ქალთა დღესასწაულებს. გისურვებთ უღრუბლო ზეცას, შვილთა ჯანმრთელობას, ბედნიერებას, სულიერ სილამაზესა და სიძლიერეს.

**მომამზადა
ხათუნა ბანაშვილი**

რევაზ ინანიშვილი - „დედა“

— დედაზე მე ისეთი რა უნდა ვთქვა, მაგრამ ჩემი მოსაყვოლი მაინც უნდა მოვყვე. შარშან, გვიან შემოდგომაზე, ნოემბერში, ჩემს სოფელში ჩავედი. დამხვდა საცოდავი დედაჩემი — თითებდამჭნარი, მაჯებდანვრილებული. მაინც მიღიმოდა და ისე მეუბნებოდა, — ხან ვნევიარ, შვილო, ხან აი, ასე დაფრაცრაცებო. ვიყავი ერთ ღამეს და ერთ დღეს — თითქოს ეზო-ყორის მონესრიგებით გართული, სინამდვილეში რაღაც ცოდვით შენუხებული. მეორე საღამოს, უკვე შებინდებულზე, წამოვიედი. ჩვენი რკინიგზის სადგურამდე ოთხ კილომეტრამდე გზა არის, სულ თავქვე-თავქვე, აქედან კიდევ აღმართი. გამომართა დედაჩემმა ძველებური ფარანი, ამინთო, — სადგურში რომ ჩახვალ, მორიგესთან დატოვე და ვინმეს ამოვატანინებ მერეო. დავინყე მე სიცილი, — რა ფარანი მინდა, დედა, ორმოცი წელიწადია, ამ გზაზე დაგვივარ,



რევაზ ინანიშვილი

სულ ქვა-ქვა ვიცი-მეთქი ყველაფერი. — არაო, შვილო, ახლა სულ შეცვლილია, სად რას აკეთებენ, სად რასო, თან მოლინჭყულია, ფეხი ცურავსო. ბევრი მეხვევია, მაგრამ არ წამოვილე ის ფარანი. გამომაცილა კი კარგა მანძილზე, სანამ დიდი დაღმართი არ დაინწყებოდა. მომყვებოდა იმ წვეარამში, მინათებდა გზას და თან სულ მარიგებდა დედურად. დიდ დაღმართთან თვითონვე შეჩერდა, ასწია ფარანი ცოტაზე, — ნაილე, შვილო, — შემეხვევია ერთხელაც. მე გადავკოცნე ღიმილით — ნადი-მეთქი ახლა! — მივაბრუნე, თითქოს გაბრუნდა, წავიდა კიდევ, მივიხედე და დგას ისევ, მაღლა უჭირავს ფარანი, მეორე ხელიც შეუშველებია. — ნადი-მეთქი, ნადი! გაბრუნდა, წავიდა. მე თავქვე დავეშვი. ზურგჩანთა მკიდა, თითქმის მივრბივარ, მივიხედავ უკან და რამდენსაც მივიხედავ, იმ წვეარამში ის ფარნის შუქი ისევ ერთ ადგილას დგას, ალბათ, მეჩვენება-მეთქი, გაჭერდები, ვაკვირდები, შუქი მაინც არ იძვრის. — დე-დაა! დე-დაა! არავითარი ჩქამი! ნიავი სახეში მცემს, ჩემი ხმა იქამდე ვერ აღწევს. ისე ჩავედი სადგურში, ისე ავედი მატარებელში, ის შუქი მხოლოდ პატარავდებოდა და არ იძვროდა. ვუყურებდი ვაგონის ფანჯრიდანაც და ვწყრებოდი დედების სიჯიუტეზე. ის კი იყო და ის — ცოცხალი აღარ მინახავს დედაჩემი. დეკემბრის თექვსმეტში, ღამით, თერთმეტ საათზე, უწვალებლივ დაეღია სული და დამრჩა ამ ფარნის შუქი სამუდამო დარდად. რატომ იდგა იქ, იმ აღმართის თავზე, სიბნელებში და სიცივეში იმდენ ხანს? ნუთუ მართლა იმას ფიქრობდა, რომ ცოტათი მაინც მინათებდა ფარნით გზას?! ნუთუ ეგონა, ცუდი რომ რამე მომწინებოდა, უთუოდ მისწვდებოდა ქვემოდან ხმა?! თუ სულაც ცუდად გახდა, ჩაჯდა, ველარ წამოდგა და იყო ასე, — ფარანზე დაყრდნობილი?! კიდევ უარესი — სამუდამოდ ხომ არ მეთხოვებოდა იმ ფარნით?! დავუნთებ ხოლმე სანთელს, დავიჩოქებ, მაგრამ ვერაფერს ვშველი ჩემს დარდს...

„სანამ დედა ცოცხალია“ ...

„სანამ დედა ცოცხალია, მანამდე გულადად ხარ, სიკვდილისა არ გეშინია, სიცოცხლით ლაღობ, ვერა გრძობ სიკვდილის მზერას, რადგან დედა ჩამდგარი შენსა და სიკვდილის შორის, თავისი სუსტი ბეჭებით სიკვდილს წინ ელობება და მისი მწველი მზერისაგან გიფარავს, თვითონ იწვის სიკვდილის აღმოდებულ მზერაში.“

წავა დედა და ჩამოიხსენება ფარდა შენსა და სიკვდილის შორის, რომელიც მგელივით წამოგვარდება, მოსვენებას და გიკარგავს, სილაღეს ჩაგიკლავს და თან გეშინია, თან იმას ცდილობ, ახლა შენ აეფარო ბეჭებით შენს შვილებს, რომ დაიფარო ამ ამაზრზენი მზერი-საგან. რაც ხანი მიდის, ძალღონეს გაცდის ეს დამთრგუნველი მზერა და ერთი წამითაც არა გცილდება, სულ თან დაგდევს და გულ-ღვიძლს გიწვავს ქვეშეცნეულად.

შენ კი მაგრობ, მაგრამ თავისი მიაქვთ გარდასულ დღეებს, თანდათან მუხლებში ძალა გელევა, ახალგაზრდობის ოცნებები უფერულდება და გრძობ, როგორ თანდათან იზრდება შენს არსებაში შიში, სიკვდილის მზერით თუ რაღაც გარდაუვალობის შეგრძნებით გაჯერებული შიში, რომელსაც არავის არ უმხელ და ვერც გაუმხელ, რადგან ერთადერთი ადამიანი, დედა, რომელსაც შეიძლება

რომ გაუმხილო ეს შიში, წასულია ამ ქვეყნიდან... შენ კი მარტო ხარ და ხან დედისაგან გაკეთებულ საქმელს ნატრულად, როცა გშია, ხან დედისაგან მოქსოვილ ხელთათმანებს, ან წინდებს, როცა გცივა და შენ თავსაც კი არ უმხელ, ისე იძინებ იმსურვილით, რომ იქნებ სიზმარში ნახო დედა, იქნებ სიზმარში მაინც განმეორდეს ის საოცარი იმედიათი მოფერება, ადამიანის სულიდან სიმარტოვესაც რომ აფრთხობს და არარაობის განცდასაც, სამაგიეროდ კი ხალისითა და იმედით გავსებს“.

გოდერძი ჩოხელი



"ლოცულობს დედა და ლოცვის სიტბო ცხრა მთის გაღალმა შვილის გზაზე იებად ამოღის.."

ციცი გურიელი: ცაში შვილებფგაფრენილ, განსაკუთრებით ჩემნაირ დედებს ვიხუტებ გულში! დედის დღეს ვულოცავ ყველა დედას!

ყველაზე ლამაზ არსებებს, სათნოების სახლებს, იისფერ ცრემლებს, უნაზეს ღიმილებს, უძილო ღამეებს, ლოცვიან გზებს, დამარღვულ ხელებს, ფიქრიან თვალებს, სიცოცხლის დაძაბულობებს, სამყაროს მომავლის სანყისებს დედამინაზე!!!

განსაკუთრებით მინდა ჩემნაირ, შვილმკვდარ დედებს მოვეფერო! ნუ გეშინიათ-შვილები ზეციერ ანგელოზებად გვეფერებიან და გვლოცავენ!

ჩვენთვის ფერებგახუნებულია ეს ლამაზი დღესასწაული... მე ახლა სიტყვებიც სადღაც მეკარგება... მაგრამ ჩვენ არ გვაქვს უფლება მოძვების, დაბეჩავების, განადგურების, ცრემლი და სევდაში ჩახრჩობის, დარდი დაღამება გათენების... იმიტომ, რომ ისევ ჩვენ შვილებს ვჭირდებით! იმიტომ, რომ დეები ვართ და დანარჩენ შვილებს არ უნდა ვატყინოთ გული, სიცოცხლე უნდა ვუფეროდოთ, აღვზარდოთ, დავაფრთიანოთ და ცხოვრების გზაზე დავაყვებოთ, დედის ლოცვით გავუნათოთ და გავუთბოთ ყოველი ნუთი!

-იხარეთ! იღვგრძელეთ! იბედნიერეთ დედებო! ყველაზე ძლიერები, ყველაზე ლამაზები და განსაკუთრებულიები, უმშვენიერესო არსებები-დედებო!

ნონა ჯიბლაშვილი: - თქვენი დედობა ჩემი ცხოვრების ყველაზე დიდი გამარჯვება და აზრია! მადლობა უფალს, რომ ამ უკიდურეს სამყაროში, მე ამირჩიეთ! რომ ხართ ასეთები, როგორც ხართ და რომ მამბედნიერებთ! (მაბრაზეთ კიდევ, თუმცა არც უამისობა იქნება ყველა ჩვენგანი ერთად და ცალკადაც ძლიერი პიროვნება ვართ და ერთ აზრზე ვერ ვიქნებით! თქვენი დედობა, ჩემი ცხოვრების და არსებობის გამართლებაა! დედის დღე!

კი ეს ჩემი დედა! ნამდვილად ჩემი. 35 წელია, დედობის ამ დიდ ტვირთს, მადლსა და სიხარულს მხრებით მარტო დავატარებ! და ეს დედობა, ჩემი დღესასწაულია! უფალმა იცის, ვის რა გეჭირდება, ორი ვარსკვლავი მინათებდა გულს, მერე მოვიდა სალომე და სული გამითბო! მოვიდა და მოსვლაც ასეთი უნდოდა, სამ წელში სამი შვილიმეფილი, სამი ფიერივერკი ავგობრილა და სული გამინათა! და შენ უფალო! მადლობა ამ ყველაფრისთვის! კი დღეს ჩემი დედა! ბედნიერი დედობა თქვენ ყველას!!

"ეს გაზაფხული მე მოვიყვანე" - ბესიკ ხარანაული

არასოდეს „მომიყვანია ეს გაზაფხული“. ის მოდის ხოლმე პერიოდულად - კომისია, როგორმაც უნდა კიდევ ერთხელ შეამოწმოს ჩვენი სიცოცხლის ძველი უნარი.

ზუსტად აღნუსხოს, რამდენ კვირტს მალაყს ხეების ტანი, ვულ-მინდვრები - რამდენ ბილილას. რამდენ მზის სხივს - ბეჭების ჰეშვი, ბალახს - ქვისმირი, ბელტებს - მიწა, სიღურჯავს - ზედა, სიფრცეხს - ფრთები, რამდენ სიუარულს - ადამიანის პატარა გული, რამდენ ვარსკვლავს - ჩამქრალი მწერა... მე არასდროს მომეყავს ხოლმე გაზაფხულები, გეფიცებით.

ვის რად უნდა ამხელა სტრესი. ამდენ სიბნელეს რა სინათლე ეყოფა მაინც?! კანონის ენა არავის ესმის, ყველას თავისი წამთარი უყვარს - ხელს შეახოცავ თავისუფლად მოკლე დღეს და ყველაფერს კვამლს გადააბრალდებ... თავადიც ხომ არ გაუხსნებს, არც რამდენ გავდებს, არც გთვლის ა რ ა ფ რ ა დ.

გაერიდეთ ამპარტავულ ჭრელ გაზაფხულებს, ეცადეთ, თვალში არსად მოხვდეთ, რადგან ყველაფერს მხოლოდ ფიარის გამო აკეთებს, დაგვადებებს, სხვა არაფერი დიდი ვინმე რომ გეგვგონოს, რომ გეგვინოდეს... მთების სიმწვანეც გახრიოკდება, ამ ტუქების აფერადებაც, ეს ხეები ისევ ისე შეიბრუნებენ მილს და სიუჩქეს, ეს ქუჩებიც ისევ ისე რუსთვალადაა უიმედობით იქნება სავსე.

არავის ერთი თბილი სიტყვაც კი არ დასცდება, ჭორფლიც განა რა?! მსუც მორსაა.

გაივლის, წავა და არავინ შევიმცირებთ დარდსა და ნაღველს - სრული, მუდმივი შტატით არსებობს. სიმარტოეობაც აქ არაფერი დაემუქრება, ოღონდ ახლა გაუძელით ამოფარდების მზის სიხმრებიდან.

ხელის გულს ვადებ აუგავებულ ნუშის ხეს და ასე ვიფიცებ.

არასოდეს დამბრალდოთ, „რომ გაზაფხული მე მოვიყვანე“. სადღა ვვაქვს მალა ადამიანებს მისი გამლები. „ესეც გაივლის...“

მარიამ ნიკლაური,
2017 კრებულის „ქუჩის გადაჭრა“.

სათუნა ბაბუნაძე, მხატვარი: - „ამ ქვეყნად ყველაზე მეტად მიყვარს დედა, რაღაცნაირად გადაჯაჭვულ- გადახლართულები ვართ ერთმანეთზე, მითუმეტეს ჩემით არასდროს არის კმაყოფილი და სულ მაკრიტიკებს. იშვიათად თუ გაიმეტებს ორიოდ თბილი სიტყვას, მაგრამ მისმა ასეთმა დამოკიდებულებამ სული გამომიწირო და მეტროდ პიროვნებად მაქცია.“

მე რომ დედა ვყოფილიყავი, ზუსტად ვიცი, ანალოგიურად, დედის მსგავსად ავლზრდიდი შვილს, თუმცა იმდენად ოპტიმისტი ვარ, გულის სიღრმეში მნამს, რომ უფალი ამ ნატვრას ამიხდენს. ყველას გილოცავთ დედის დღეს!

ლევან სონულაშვილი: „არასდროს იცი, როცა ჩამქრალ გახტურაზე ჩაიდანს ტოვებ და შინიდან გადინარ, კვლავ დაბრუნდები, თუ არა. დედა, ჯანმრთელობის დიაგნოზის გაგებისთანავე, ჩემთან გადმოვიდა საცხოვრებლად; ბავშვობის ბინაში მივაკითხე, საჩქაროდ, მისი წვრილმანი ნივთები, რაც ხელში მომხვდა, ჩანთაში ჩავყარე და კლინიკას მივაშურეთ. ბინის დატოვებამდე ჩაიდანს ჯერ კიდევ თბილი იყო, ეტყობა, ტრადიციულად, ყავის მოსამზადებლად წყალი აადულა.“

შვიდ თვეში გარდაიცვალა... ბავშვობის ბინაში დაბრუნდი, ერთდროულად, მძიმე და ნოსტალგიური აღმოჩნდა. თითქოს, მისი პულსაციის ექოც ჩამესმა. უცნაურია, ყველაფერი ძველებურად გამოიყურება, ზუსტად ისე, როგორც მის სიცოცხლეში, თუმცა ეს მხოლოდ წარსულის ანარეკლია, აღარაფერია ძველებურად, ტანსაცმლის კარადიდან ვეღარ აარჩევს ჩემ მიერ ნაჩუქარ კაბებს, ვერც იმ საყურეს გაიკეთებს დაბადების დღეს რომ ვუსახსოვრე, ვერც ამ ფორტეპიანოზე შეასრულებს ყანჩელს, ანი, ტელეფონის ყურმილიც მუდამ ხელუხლებელი იქნება. ის ჩაიდანს, ჩამქრალ გახტურაზე... ცივია, ცარიელი, წყალიც ამომშრალა. ასეთივე ამოუცხებელი სიცარიელეა ჩემში. და მაინც, არასდროს იცი, როცა ჩამქრალ გახტურაზე ჩაიდანს ტოვებ და შინიდან გადინარ, კვლავ დაბრუნდები, თუ არა.“

ბის მურაული: „ყოველ დილას, ბინიდან რომ გავდივარ, წიგნების თაროდან დედაჩემის ფოტო მიღიბის და იმ დღეს გასავლელ გზას, ფიქრსა და ქცევას დამილოცავს ხოლმე - მეშვიდე ათეულს ვამთავრებ და ერთი წამით ეჭვი არ მეპარება, რომ ასეა. ამ ღიმილს ისეთი ძალა აქვს, სხვას რომ ვერავის და ვერაფერს დაუკავშირებ. ის დაუმარცხებელია.“

როგორც ჩანს, ღმერთმა რომ სამყარო შექმნა, სწორედ დედას დაავალა, ყველაზე ძლიერი ყოფილიყო.

და - ყველაზე მშვენიერიც.
და - ყველაზე თბილიც.
და - ყველაზე საყვარელიც.
და - ყველაზე იღუმალიც.
და - ყველაფერზე აღმატებულიც.
დედა და სიცოცხლე ერთი და იგივეა. მე არ ვიცი, სად არის ახლა დედაჩემი (ღმერთი მას ცუდი ადგილისთვის ვერ გაიმეტებდა), მაგრამ ზუსტად ვიცი, რომ სულ ჩემთან არის.

დარწმუნებული ვარ, ყველა ადამიანი ასე ფიქრობს (თუ არა - მას ადამიანს ვერც უნოდებ).

გილოცავთ დედის დღეს - ამქვეყნად რა უნდა მოხდეს, რომ ის ღიმილიანი არ იყოს?!

ნოდარ ღუმბაძე: „დედაშენი არის ღმერთი! შენ რომ ზიხარ და უყურებ. ისიც რომ გიყურებს. შენ რომ დედას ეძახი და ის ძვილი გეძახის, ამიტომ შენ გგონია ღმერთი არ არის?“

შენ ღმერთი ვინ გგონია? წვერებიანი ბაბუა? ღრუბლებზე ზის და პირს რომ იბანს, წვიმა მოდის? ღმერთი ისე ნათელია, ისე ახლობელი, ისე ახლო და ისე უბრალო, რომ როდესაც ხედავ, არ იცი რომ ღმერთია, ამაშია ღმერთის უბედურება, ამიტომ არ სწამთ ღმერთისა.

ღმერთი რომ სხვაგან იყოს, შორს ჩვენგან, ცალკე და მალა, ღმერთი რომ ჩვენში იყო, მაშინ ყველა ინამებდა. ამაშია საკმე!

ღმერთი მაშინ უნდა ინამო, ღმერთის სახე რომ არ აქვს, რომ არ ჰგავს ღმერთს, რომ არ გეუბნება, ღმერთი ვარო, პურს რომ გიყოფს, სადილს რომ გიკეთებს, ტანზე რომ გაცმევს, თავზე რომ გახურავს, გილიმის და გეფერება, გოცნის და ტირის მენი გულისთვის, კვდება შენი გულისთვის და იცვია, წყურია, შია შენთან ერთად, სულს აძლევს ემბაკს შენი გულისთვის, მაშინ უნდა ინამო..

აბა, ღმერთმა თუ თავისი სახე გაჩვენა, კედელთან მიგაყენა, ყური აგინა და თვითონ თუ გითხრა, ღმერთი ვარ და მინამეო, მაშინ რაღად უნდა ღმერთს შენი რწმენა? ასეთ ღმერთს შენ კი არა, ყველა ინამებს. ღმერთი მაშინ უნდა ინამო, შენ რომ გგავს, მე რომ

გვავს, დედაშენს რომ ჰგავს, გასაგებია?!

„გაგულამაზოთ დედის დღე ყველას“

დედოფლისწყაროს მუნიციპალიტეტის სპორტისა და ახალგაზრდობის ცენტრთან არსებული ახალგაზრდული ცენტრის „იბერია“ (ხელმძღვანელი ლემა ბილიაშვილი) უფროსკლასელმა წევრებმა, 3 მარტს, ჩაატარეს აქცია სახელწოდებით- „გაგულამაზოთ დედის დღე ყველას“.

მათ შემთხვევითი შერჩევის პრინციპით, ქალაქ დედოფლისწყაროს ცენტრში არსებულ ტერიტორიაზე ყველა შემხვედრ ქალბატონს ყვავილებითა და ბუშტებით მიულოცეს ეს თარიღი და ბედნიერი დედობა უსურვეს მათ.

„ძალიან საინტერესო და მოულოდნელი აქცია იყო. მათ მოულოდნელი სიხარული გვარუქეს და ეს დღე მართლაც გავვილამაზეს. დიდი ხანია ასე არავის გავუხარებია“ - აღნიშნა ერთ-ერთმა ქალბატონმა.



სისხლის უფასო დონაციის აქცია გაიმართა

2 მარტს დედოფლისწყაროში სისხლის უფასო დონაციის აქცია გაიმართა. საქველმოქმედო ღონისძიებაში მონაწილეობა თვითმართვალბისა და აქიპების წარმომადგენლებმა მიიღეს.

ღვიკემიით დაავადებული ბავშვებისთვის სისხლი ნებაყოფლობით გაიღეს: დედოფლისწყაროს მერიისა და საკრებულოს თანამშრომლებმა, მირზაანის მერის წარმომადგენელმა, ქალაქ დედოფლისწყაროსა და სოფელ სამრეკლოს ადმინისტრაციული ერთეულის თანამშრომლებმა, სკოლამდელი და სკოლის გარეშე სააღმზრდელო ცენტრის თანამშრომლებმა, კომუნალური მომსახურების ცენტრის, ჰამლეტ გონაშვილის სახელობის ქართული სიმღერისა და გალობის სკოლის, კულტურისა და ძეგლთა დაცვის, სპორტისა და ახალგაზრდობის ცენტრის, სახანძრო-სამშველო სამსახურის, სოფლის მეურნეობის საკონსულტაციო ცენტრისა და


გაერთიანებული წყალმომარაგების დედოფლისწყაროს სერვისცენტრის თანამშრომლებმა. დონაციის აქციაში 36-მა დედოფლისწყაროელმა მიიღო მონაწილეობა.

სისხლის უფასო დონაციის აქცია იაშვილის კლინიკის სისხლის ბანკმა დედოფლისწყაროს მუნიციპალიტეტის მერიისა და საკრებულოს მხარდაჭერით განახორციელა.

„ჩვენი მიზანია ლეიკემიით დაავადებული ბავშვების დახმარება. პერმანენტულად ვატარებთ მსგავსი შინაარსის აქციებს. აქცია კახეთის რეგიონის ყველა ქალაქში ჩატარდა. დედოფლისწყარო ბოლო ქალაქი იყო, სადაც უკვე მეორედ ვიყავით ჩამოსულები. დონაციის აქციაში გვერდით დაგვიდა „ქართული ოცნება“ და დედოფლისწყაროს მუნიციპალიტეტის მერია. ამისთვის მადლობა მათ.“ - აღნიშნა გაზეთ „შირაქთან“ საუბრისას იაშვილის კლინიკის სისხლის ბანკის წარმომადგენელმა.



„ატომური სადგურის მშენებლობა ნითელწყაროში იკვებება“



ნითელწყაროს რაიონში ატომური ელექტროსადგურის მშენებლობა იკვებება და ამისათვის ერთ-ერთ საუკეთესო ადგილად ითვლება ნითელწყაროს ტერიტორია. ამის შესახებ ინჟინერი, მეცნიერი, პოლიტიკოსი, 1991-1995 წლებში საქართველოს რესპუბლიკის ვიცე-პრემიერი **ბაპურ გულუა** აცხადებს. ატომური სადგურების შესახებ მან

დღემდე გამოუქვეყნებელი ისტორიებზე საჯაროდ პირველად ისაუბრა იაგო ხვიჩიას ინტერნეტ გადაცემაში „საქართველოს დაბადება“.

„ატომური ელექტროსადგურების მშენებლობა გალსა და დედოფლისწყაროში იკვებებოდა. რაკი საბჭოთა უსაფრთხოების სისტემა საიმედო არ იყო, ამას ხელი შეუწავლიდა და შევარდნაძეს დაუფუძვლა. ეს მე ვთქვი 1978 წელს და 1986 წელს უკვე ჩერნობილში დადასტურდა, რომ მართალი ვიყავი. ერთ დროს დედოფლისწყარო იყო მიჩნეული საუკეთესო ადგილად, რომ იქ უნდა აშენებულიყო. ბიუროში მენთავაშვილმა და ქვისლამა მოსაშვილმა (ედუარდის მძახალი) ბევრი იკამათეს, გულნასული ნაიყვანეს. მოსაშვილი მტკიცე კაცი იყო და ძალიან ინერვიულა. ერთი ქიზიყი დაგვრჩა და ისიც გინდათ ატომური სადგურის მშენებლობით მონაწილეობა? მაშინ ნათქვამი იყო, რომ ზღვასთან ახლოს მხოლოდ საკურორტო ზონები უნდა გაშენებულიყო, ამას ჩავჭიდებ ხელი და ამ არგუმენტით შევეწინააღმდეგე. კატასტროფის შემთხვევაში შავ ზღვაში ჩაღვრილი მავენე რადიაციული მასალა უფრო სახიფათო იქნებოდა, ვიდრე პაერში გავრცელებული ღრუბელი.“ – აღნიშნა ბაპურ გულუამ.

4 ოქროს კიკბოქსინგში

დედოფლისწყაროს კიკბოქსინგის გუნდი „ჩემპიონი“-სთვის წარმატებული აღმოჩნდა ტრადიციული რესპუბლიკური ტურნირი კიკბოქსინგში „რუსთავის მერიის თასი“. 6 ფინალიდან ოთხმა სპორტსმენმა ჩემპიონობა მოიპოვა და ასახელა რაიონი. სულ – 4 პირველი, 2 მეორე; 3 მესამე ადგილი მოიპოვეს.

ჩემპიონები გახდნენ: **სოსო ჯავახიშვილი** 51კგ; **ლაშა ჭუბაბრია** 54კგ; **გიორგი ჯავახიშვილი** 57კგ; **ნიკა თარალაშვილი** 75კგ.

მეორე ადგილი: **ბექა ნაროზაშვილი** 60კგ; **ლუკა ზურაბიშვილი** 80კგ. **მესამე ადგილი:** **ლუკა ჩაჩანიძე**; **გიორგი ბაღდასარიანი**; **ლუკა ტუმასიანი**.

თამაზ ყარაგვიშვილი (მწვრთნელი): „ბიჭებმა კარგად იასპარეზეს, თითქმის ყველა წონით კატეგორიაში საპრიზო ადგილი მოვიპოვეთ სხვადასხვა სინჯის მედლით. ტურნირამდე შეძლებისდაგვარად გავიარეთ როგორც ფიზიკური, ისე ტექნიკური მომზადება და ეს შედეგებზეც აისახა.“

51 კგ. წონით კატეგორიაში სოსო ჯავახიშვილმა არა მხოლოდ ჩემპიონობა მოიპოვა, არამედ, მსაჯებისა და მაყურებლის სიმპათიაც დაიმსახურა. სოსოს შეუძლია ორთაბრძოლა აზრიანად აწარმოოს, შედეგადიან გათვლებზე ჰქონდეს, შემხვედრი დარტყმები მოიშველიოს. რინგზე ასეთი მანერა ბრძოლას სილამაზესა და აზარტს მატებს.

54 კგ. კატეგორიაში ლაშა ჭუბაბრიამ კიდევ ერთხელ დაამტკიცა პირველობა. მან ყველა ორთაბრძოლა ქულათა უპირატესობით დაასრულა. გამორჩეულად ლამაზი და ტექნიკური დარტყმები შეუძლია შესარულოს.

57 კგ. წონით კატეგორიაში უძლიერესი იყო გიორგი ჯავახიშვილი. მან გააოცა თანაგუნდელები თავისი შემართებით და ბრძოლისუნარიანობით. დამარცხა ისეთი მტოქეები, რომლებთანაც გამარჯვების მიღწევა სათუო იყო. თანაც ისეთი უპირატესობით მოიგო, რომ არცერთ მონინააღმდეგეს შანსი არ დაუტოვა. გიორგიმ კარიერაში ნამდვილი ნახტომი გააკეთა.

63,5 კგ. წონით კატეგორიაში ფინალი შედგა დედოფლისწყაროელ ბექა ნაროზაშვილსა და ქარელში მცხოვრებ კიკბოქსინგელს შორის. თანაბარ ორთაბრძოლაში ფეხის დარტყმებით, მცირე უპირატესობით მსაჯებმა გამარჯვება ჩვენს მეთოქეს მიანიჭეს.

75 კგ. წონით კატეგორიაში კიდევ ერთი ოქროს მედალი



დედოფლისწყაროს მოუტანა ნიკოლოზ თარალაშვილმა. ის დამაჯერებლად იგებდა ყველა რაუნდს, ხელის და ფეხის დარტყმების, ქულების უპირატესობით. ფინალიც მის სასარგებლოდ დასრულდა.

გუნდ „ჩემპიონს“ მონაგარი ვერცხლის მედლით შეუვსო 80 კგ. წონით კატეგორიაში ლუკა ზურაბიშვილმა. მან უშეღავათო ბრძოლა გამართა ბოლნისელ მეტოქესთან და სულ მცირე უპირატესობით დათმო ოქროს მედალი“.

გიორგი ჯავახიშვილი: „პატარაობიდან მიყვარდა ვარჯიში და სპორტი. ჯერ ჭიდაობაზე ვიარე, მაგრამ ვერ მოვერგე და კიკბოქსინგი უფრო მომწონდა. ოჯახს ვთხოვედი მივეყვანე. უკვე 7 წელია თამაზი მასწავლებელი მავარჯიშებს. ძალიან მინდა მსოფლიო ჩემპიონი გავხდე და ამ მთავარ მიზანს მივალნი. ვცდილობ, არ გავაცდინო ვარჯიში და დარბაზში თავს კარგად ვგრძობ, ვარჯიშის პროცესი მსიამოვნებს. ამ შეჯიბრს რაც შეეხება, რთული ბრძოლა იყო, წონითაც მძიმე მეტოქე იყო, გამიჭირდა და დავიღალე, მაგრამ მიზანს მივალნი. მეორე ბრძოლა უფრო რთული იყო. შემართებით ვაგრძელებ ვარჯიშს.“

სოსო ჯავახიშვილი: „პირველი ბრძოლა ძალიან არ გამჭირვებია, მაგრამ წინააღმდეგობა ვიგრძენი. ამის მიუხედავად გარდაბნელი მეტოქე მანც დავამარცხე. თუ გავითვალისწინებთ, რომ თითქმის პირველ ნაბიჯებს ვდგამ ამ სპორტში, უკმაყოფილო არ ვარ. დიდი გამოცდილება მივიღე რუსთავის მერიის თასზე ასპარეზობით და ეს სამომავლოდ ძალიან გამომადგება.“

ილია მარტყოფლიშვილი

სატყეო სკოლა მოზარდებისთვის



გარემოსდაცვითი ინფორმაციისა და განათლების ცენტრის მიერ შემუშავებული სასწავლო პროგრამის „სატყეო სკოლა“ ფარგლებში მიმდინარე სასწავლო კურსი დასრულდა. ცენტრმა „სატყეო სკოლა“ მეტყევის პროფესიის პოპულარიზაციის მიზნით განახორციელა, სადაც IX-XIII კლასის მოსწავლეებს შესაძლებლობა ჰქონდათ, ამომწურავი ინფორმაცია მიეღოთ ტყის მართვის სისტემისა და ტყის ბიომრავალფეროვნების შესახებ.

გარემოსდაცვითი ინფორმაციისა და განათლების ცენტრის დირექტორმა, თამარ ალადაშვილმა კურსდამთავრებულ მოსწავლეებს სერტიფიკატები გადასცა. ამ პროექტში მონაწილეობდა ქ. დედოფლისწყაროს №2 საჯარო სკოლის მე-11 კლასის მოსწავლე გიორგი სეხნიაშვილი, რომელიც ასევე სკოლის ეკოკლუბის „შექმენი მომავლის“ აქტიური წევრია.

გიორგი სახნიაშვილი:

„ჩემთვის ძალიან მნიშვნელოვანი იყო „სატყეო სკოლაში“ მონაწილეობა. გვექონდა შესაძლებლობა მიგველო ტყის მართვის სისტემის, მრავალფეროვნების შესახებ ინფორმაცია, ჯერ ონლაინ სემინარების სახით, ხოლო შემდეგ პრაქტიკული სწავლება საგურამოს ტყეში განხორციელდა. ლექციებს გარემოს დაცვისა და სოფლის მეურნეობის სამინისტროს წარმომადგენლები და სპეციალისტები გვიტარებდნენ. დასკვნით უტაბზე კი განათლების ინფორმაციისა და განათლების ცენტრის დირექტორმა, სერტიფიკატები გადმოგვცა. ამ პროექტმა ჩემს პიროვნულ განვითარებაზე დიდი გავლენა მოახდინა და კიდევ ერთხელ მაძლობა მინდა ვუთხრა სატყეო სკოლას ამ შესაძლებლობებისთვის, მრავალფეროვანი და კარგად ორგანიზებული დღეებისთვის.“

ორი თვის განმავლობაში, მოსწავლეებს ლექციებს გარემოს დაცვისა და სოფლის მეურნეობის სამინისტროს წარმომადგენლები და მოწვეული სპეციალისტები უტარებდნენ. სასწავლო პროგრამის ფარგლებში, ახალგაზრდებმა შეისწავლეს საქართველოს ტყეები, ტყის როლი მდგრადი განვითარების მიზნების მიღწევაში, ტყის ტიპები, მერქნული და არამერქნული რესურსები, ტყის მდგრადი მართვის პრინციპები, ტყის ბიომრავალფეროვნება, „სატყეო სკოლაში“ მონაწილეობის მიღება მოსწავლეებს მთელი ქვეყნის მასშტაბით შეეძლოთ. მონაწილეთა შერჩევა კონკურსის საფუძველზე მოხდა.

დედოფლისწყაროში ფრენბურთის ლაგოდების დაამარცხა

დედოფლისწყაროს ფრენბურთის გუნდმა ლაგოდების გუნდი ამაზნაგურ შეხვედრაში 3:1 დაამარცხა. შეხვედრა ლაგოდების სპორტულ ცენტრში შედგა.

როგორც დედოფლისწყაროს სპორტის ცენტრის დირექტორის მოადგილე გიორგი ცისკარაშვილმა „მირაქს“ განუცხადა, დედოფლისწყაროს ფრენბურთის გუნდი, სადაც გოგონებიც და ვაჟებიც ერთად თამაშობენ, საკმაოდ პერსპექტიულია.



გიორგი ცისკარაშვილი: „ფრენბურთი დედოფლისწყაროში რამდენიმე წელია აქტიურად ვითარდება, ბოლო ხანებში კი შეჯიბრებებზეც გვაქვს უკვე შედეგები. ჩვენი გუნდი აბო მებრძოლის ხელმძღვანელობით, მალე, პირველ ლიგაში ითამაშებს. პირველი ლიგა რამდენიმე კვირაში დაიწყება. შეძლებისდაგვარად ვეხმარებით, სპორტსმენებიც მონდომებული არიან და დიდი იმედი გვაქვს პირველ ლიგაში წარმატებას მიაღწევენ. აქტიურობით ნიკოლოზ ჯინაშვილი გამორჩევა. გოგონებიც საკმაოდ აქტიურად არიან ჩართული, ნატალი მებრძოვილი, ელენე გონაშვილი და ა.შ.“

ნიკოლოზ ჯინაშვილი:

„ფრენბურთზე მეშვიდე წელია ვარჯიშობ და რაც უფრო მეტს ვსწავლობდი ყოველი წელს უფრო მეტად მინტერესებდა. ფრენბურთი უბრალოდ სპორტი არ არის, ეს გუნდური თამაშია. მარტო ვერასდროს გაიმარჯვებ, იმარჯვებ გუნდს. სწორედ ამიტომ მიყვარს ფრენბურთი. ამ სპორტში ნდობა უმაღლეს დონეზეა. ერთმანეთისადმი დამოკიდებულება ძალიან მნიშვნელოვანია, რადგან თუ გუნდის ერთმანეთს ვერ უგებენ, მოგების შანსები ძალიან მცირდება. 2022 წელს შეიქმნა გუნდი, რომელმაც მიზნად დაისახა საქართველოში საუკეთესო გამხდარიყო და გვეასპარეზა უმაღლეს ლიგაში საქართველოს საუკეთესო გუნდებთან ერთად. მე ამ გუნდში ლიბერო ვარ, დაცვაზე ორიენტირებული მოთამაშე. გუნდმა შეტევა რომ გაუშვას, რომც არ დაბლოკოს, სანამ ბურთი მოვადანს არ შეეხება, ფრენბურთში არ ნააგებ. სწორედ ამისთვის არსებობს ლიბერო, შეინარჩუნოს ბურთი თამაშში. ძალიან ვამაყობ, რომ ამ გუნდის ძირითადი ლიბერო ვარ! ვეფიქრობ, გუნდს უდიდესი პოტენციალი აქვს, რომ დასახული მიზანს მივაღწიოთ. ლაგოდებთან თამაში ჩვენი ძალების გამოცდა იყო და კმაყოფილები დავბრუნდით. ნამდვილად კარგი თამაშები იყო, დავრწმუნდით, თუ რამდენად ძლიერები ვართ. მონაწილე გვეყვარება, მსოფლიოში და მზად ვართ 20 მარტს პირველ ლიგაზე სათანადოდ ვიასპარეზოთ.“

შეგახსენებთ, 30 დეკემბერს კახეთის რეგიონული ჩემპიონატიც შედგა, სადაც დედოფლისწყაროელმა ფრენბურთელებმა რეგიონში მეორე ადგილი დაიკავეს.

რა ირკვევა დედოფლისწყაროში ამინდის ყოველდღიური დაკვირვებით?

დედოფლისწყაროს პირველ საჯარო სკოლაში მოქმედ ეკოკლუბ „კამბისენს“ აქტივისტები, მე-9 კლასის მოსწავლეები, ლაშა ჭუბაბრია და კახი პოპიაშვილი კლუბის ხელმძღვანელ, გეოგრაფიის მასწავლებელ მათა ლაპაშვილისა და ინგლისური ენის მასწავლებელ ეკა სეფიაშვილის ფასილიტაციით ჩაერთვნენ კლიმატის ცვლილების საერთაშორისო კონკურსში „ENO Weather Week“. მოსწავლეებმა შეაგროვეს და გაზიარებულ ფაილში წარადგინეს ამინდის ყოველდღიური მარეკონტაქტები (ტემპერატურა, ტენიანობა, ქარის სიქარე და ძალა, ღრუ-

ბლიანობა, ნალექიანობა და სხვა). კვირულის დასასრულს მათ წარადგინეს ინფორმაცია და ვიდეორეზიუმეცა, სადაც გაანალიზეს დაკვირვების შედეგები.

აღმოჩნდა, რომ დედოფლისწყაროში რვა მონაწილე ქვეყნის თხოთმეტ ქალაქს შორის დაფიქსირდა ყველაზე დაბალი ტემპერატურა და მაღალი ტენიანობა. მნიშვნელოვანი ინფორმაციის ორგანიზებისთვის და საერთაშორისო პროექტში წარმატებული მონაწილეობისთვის ლაშას და კახის სამახსოვრო სერტიფიკატები გადაეცათ.

დედოფლისწყაროს ილია ჭავჭავაძის სახელობის მნივნილობარ-თა ასოციაცია მწუხარებით იუწყება, რომ გარდაიცვალა ამავე ასოციაციის გამორჩეული წევრი, საუკეთესო მნივნილობარი, უბადლო ინტელიგენტი **მალაქა მახატაძის ქი ბაბალიშვილი**. დაიკარგა 23 თებერვალს, ქ.დედოფლისწყაროში.



დედოფლისწყაროს სოფლის მეურნეობის სამმართველოს ყოფილი თანამშრომელი: ივერი ჭუჭულაშვილი, ზურა თეთვაძე, თამაზ ჯანიკაშვილი, ავთო ჯანაშვილი, მერაბ ფიროსმანაშვილი, ნანა აფციაური, ნანა ჭიჭინაძე, მაყვალა ჯორჯიშვილი, მაყვალა მამულაშვილი და თამარიკო პაპაჩაშვილი წარადგინეს უცხადებენ ჯემალ, ილია და ლევან კვანჭილაშვილებს მუდლის და დედის **იგულის ნასრაშვილის** გარდაცვალების გამო.

მელანო ზედელაშვილის სხვა სამყარო

/დასაწყისი გვ.3/

ერთადერთი და მთავარი ბედნიერება ქალისთვის დედობა მგონია! დედაშვილობა ამოუხსნელი სასწაულია. არ არსებობს ამაზე წმინდა, შეუბღალავი, უანგარო, უპირობო სიყვარული, რასაც დედაშვილობა ჰქვია. შვილის სიხარული დედის სიხარულიცაა... შვილების წარმატება დედისთვის ყველაზე დიდი ჯილდოა. ჩემმა შვილებმა თავიანთი ცხოვრებით უკვე არაერთხელ მომანიჭეს უდიდესი ბედნიერება, რაზეც მადლობას ვუხადი უფალს და ჩემს ბიჭებს. ყველა ქალს ვუსურვებ განეცადოს შვილის ყოლის ბედნიერება! ყველა დედა ყოფილიყოს თავისი შვილით ამაყი და ბედნიერი! შვილებს კი ვურჩევ, ჰქონდეთ მადლიერების უნარი დედის შრომის, თავდადების და ჯაფის დაფასების! ღმერთმა დალოცოს დედაშვილობა!

სამყაროში ყველა დედას და განსაკუთრებით დედოფლისწყაროელ დედებს ვუსურვებ ჯანმრთელ სი-



ცოცხლეს, უპრობლემო ცხოვრებას, უამრავ სასიამოვნო, ბედნიერებით სავსე დღეს, სიმშვიდეს! იღბალი იყოს ყველა დედის თანამგზავრი ცხოვრებაში!!! ყველა დედას ვუსურვებ წარმატებებს დასახული მიზნების განხორციელებას.

- აღნიშნავდით, რომ თქვენი ოცნება იყო საკუთარი სახელოსნო და თქვენი სივრცე გქონოდათ, თუ მოახერხებთ განხორციელებას?

- სამწუხაროდ ჯერ ვერა... დროს უქონლობის გამო ვერ შევქმელი.

- რა სიხშირით ახერხებთ შემოქმედებით მუშაობას, რა დროს უთმობთ ამ საქმეს?

- თბილისის საკრებულოს საქმის წარმოების განყოფილებაში ვმუშაობ. სამსახური ბედნიერების ერთ-ერთი განმსაზღვრელი ფაქტორია. ბედნიერებაა, როცა გიხარია დილის გათენება, რადგან იცი, რომ სასიამოვნო საქმით ხარ დაკავებული და მოხვდი საუკეთესო გუნდში. ყოველდღიურად ვცდილობ შემოქმედებითი სამუშაოთი დაკავდეთ, ძირითადად უფრო ღამით ვიცლი ხოლმე.

- ბავშვობის რთულ წლებზე წერდით...

- დედოფლისწყარო ჩემი ქალაქიკაა 13 წლის ასაკში დამელუბა მამა და მამნ ჩემზე საკმაოდ მძიმე კვალი დატოვა. ისე დაემთხვა, რომ ძმაც ჯარში წავიდა და მგლოვიარე დედასთან მარტო დავრჩი, მან კი ძალიან მძიმედ განიცადა, რთულად გადაიტანა ეს ტკივილი.

- ოჯახისა და ქალის როლზე რას გვეტყვი?

- ოჯახი ხის ტოტებს გავს, სადაც ყველა ტოტი (შვილები) სხვადასხვა მიმართულებით ვითარდება. თუ ფესვი (ანუ ქალი) მყარია, თავდაჯერებულია და ძლიერი - მისი ტოტებიც განვითარების სწორი გზით იზრდება, რასაც ქვეყნისთვის და საზოგადოებისთვის უამრავი სიკეთის მოტანა შეუძლია. ქალი - ოჯახის ღამაზად ილუსტრირებულ წიგნს ჰგავს!

ილია მარტყოფლიშვილი



მშვანე კამპანია არხილოსკალოში

სოფელ არხილოსკალოში ადგილობრივი აქტივისტების ინიციატივით გამშვანების კამპანია დაიწყო. როგორც არხილოსკალოელებმა „შირაქს“ განუცხადეს, მათი სურვილია სოფელში ნერგები დარგან. ამისათვის მათ უკვე აქვთ საბანკო ანგარიშები, რაზეც თანხის მობილიზებას შეძლებენ. შემოწირულობის გაღებას შეძლებენ ისინიც, ვინც დედაქალაქსა და ქვეყნის საზღვრებს გარეთ იმყოფება. არხილოსკალოელი ლაშა ბექაური „შირაქს“ ეუბნება, რომ მზადაა, დარგვის პროცესში საკუთარი ტექნიკა უსასყიდლოდ ჩართოს.

„იდეა გარდა ნერგების დაბალი ფასიდან გამომდინარე, შევარჩიეთ კონკრეტული სანერგე, სადაც დიდი რაოდენობაა და თითო ძირს 2 ლარად შევიძინეთ. ჯიშის მონაცემები რომ ვნახეთ, ავლანეთის და აზიის წარმოშობა აქვს, შესაბამისად ცხელ ჰავას უძლებს, სწრაფად მზარდია და ქარსაფარი ზოლისთვის საუკეთესო ჯიშია. გადავწყვიტეთ, კამპანიის სახე მიგვეცა. მინდვრის ქარსაფარის რაღაც მონაკვეთს ავიღებთ და ვცდით, რა გამოვა, შესაძლოა, ჩვე-

ნი აქტიურობა მშვანე მოძრაობაში გადაიზარდოს. გათვლა ბავშვების ჩართულობაზეა, ტრადიციულ სახეს თუ მიიღებს, უკეთესია. ადგილის შერჩევაზე ადგილობრივებში გამოკითხვას ჩავატარებთ, სად დაიროგოს. პირადად მე მყავს ევროკავშირის დაფინანსებით შექმნილი ტრაქტორი და მე ვუზრუნველყოფ მინის კულტივირებას. სპონტანური იდეაა და პროცესში დაიხვეწება. ჯგუფი შემდგომშიც ორიენტირებული იქნება მშვანე მოძრაობაზე და გარემოზე ზრუნ-

ვის კამპანიებზე. ქარსაფარი გაშენდება, კონკრეტულ მდებარეობას შემდეგ შევარჩევთ რომელი ქარსაფარი აღდგება“ - ამბობენ სოსო ბუჩუკური და ლაშა ბექაური.

გაუდაბნოებისადმი ყველაზე მეტად მიდრეკილ დედოფლისწყაროში ამგვარი აქტივობები სხვა სოფლებისთვისაც მისაბაძი უნდა იყოს, რათა არ შემცირდეს მოსავლიანობა.

ილია მარტყოფლიშვილი

ა მ ი ნ დ ი		დ ე დ ო ფ		ლ ი ს		ნ ო ვ ა რ ო	
ორშაბათი 06.03	სამშაბათი 07.03	ოთხშაბათი 08.03	ხუთშაბათი 09.03	პარასკევი 10.03	შაბათი 11.03	კვირა 12.03	
დღე	ღამე	დღე	ღამე	დღე	ღამე	დღე	ღამე
15°	3°	11°	2°	14°	3°	17°	6°
				18°	5°	14°	3°
						13°	4°

გამომცემელი შპს „შირაქი“
დირექტორი **ინგა შიოლაშვილი**
რედაქტორი **ილია მარტყოფლიშვილი**

სარედაქციო კოლეგია: შუშუნა ყანაშვილი (ჟურნალისტი); ელზა ხარაშვილი (სტილისტ-მენეჯერი); ნათელა ბოსტაშვილი (ბუღალტერი); ნინა ჯანაშვილი (ოფის-მენეჯერი); მზია ქანაშვილი (საქმის მწარმოებელი).
გაზეთი აიწყო და დაკაბადონდა „შირაქის“ კომპიუტერულ ბაზაზე.
ყოველკვირეული გამოცემა იბეჭდება შპს „კოლორ პრესის“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 22-85; 598 72-18-72 (დირექტორი) 593 275-275 (რედაქტორი)
რეგისტრირებულია დედოფლისწყაროს რაიონის სასამართლოს მიერ, № 6 014-468.
გაზეთის გამომწერა წელიწადში - 20 ლარი

წერილში მოყვანილ ფაქტებსა და ციფრებზე პასუხს ავტორი.